

مورستان

أزهار

ح) ازهار محمد عبدالرحمن القبوري ، ١٤٤٦هـ

القبوري ، ازهار محمد عبدالرحمن
مورستان. / القبوري ، ازهار محمد عبدالرحمن - ط١. - جدة ،
١٤٤٦هـ

١٤٢ ص ؛ A5 سم

رقم الإيداع: ١٤٤٦/٥٩٥٤
ردمك: ٩٧٨-٦٠٣-٠٥-٤٤١١-٠



**"حيثما يصبح الشغف حقيقة،
وتكون المواهب أقوى من الأسماء"**

 AUTHORSFORUM  AUTHORSFORUM1



مورستان

أزهار

الطبعة الأولى

2024م — 2025م

بِسْمِ اللَّهِ الرَّحْمَنِ الرَّحِيمِ

من الفصحى للعامة

ما بين المعقول و اللامعقول

وما بين الصراع بين الحق والباطل

وبين الخيال والحقيقة

وما بين القديم والحديث

يأتي حور بطل الرواية رمز الفطرة الصافية يدخلنا عالم الخيال

الغامض بمشهد يتوسط الرواية ممزوجاً بين الخيال والحقيقة

والقديم والحديث في مقبرة فرعونية قديمة

تظهر لنا بعضاً من ما كانوا عليه من القيم والمعتقدات في

ذلك الزمن القديم تتوالى الأحداث في عربة يجرها الخيال

محاولات الوصول لقلب الحقيقة والنور

أزهار

مورستان

(1)

صوت الباب يفتح ببطء كأنه طفل يبكي وسط الظلام،
تظهر لنا صورة طاولة قديمة مجهدة من الزمن، عليها شمعة بضوء
يرتجف هنا وهناك، تظهر لنا غرفة قديمة جدًّا، كل ما فيها قديم
ومجهد، من لون الحائط القاتم الأسود إلى كرسي خشبي قديم
خرج منه فتات الخشب العتيق، عليه قطعة من الصوف القديم.
النافذة مغلقة بإحكام، يعلوها غبار كثيف، تظهر لنا الشمعة
سجادة قديمة مقطعة، شرشفها على السرير الحديدي. مرتبة
مهملة بلا شرشف يغطيها ووضعت فقط هكذا عشوائيًا.

جلس عمر، شاب كهل وكهل شاب، له لحية كثيفة وأيدٍ
مرتخية، ينظر... ينظر إلى اللاشيء، إلى سقف الغرفة، حيث لا
شيء فيها سوى الشمعة الموجودة على الطاولة والمعطف الذي
تعلوه طبقة من الغبار الكثيف. تبدو عليه الكآبة وقليل من
الاضطراب، ضوء الشمعة يرتجف هنا وهناك فوق النافذة حتى
توقفت على وجه عمر، ولكن هذه المرة توقفت ودارت، حيث
ظهرت لنا رأس ثانية في جسد عمر! تشبه عمر تمامًا، ولكنها
ليست عمر! الرأس الثانية كانت نائمة.. بعمق مبتسمة.

عمر:

"استيقظ أيها الأبله!" لكن الرأس الثانية لا تجيب. يهز
عمر بقوة ولكن بلا استجابة.

عمر: "حور! حور!" ولكنه لا مجيب. كان حور جميل
الوجه يشبه عمر كثيرًا لكنه أبيض البشرة، أبيض الشعر، بدون
كهولة، وبخد أبيض وردي جميل. في عينيه نعاس وهدوء
وسكينة، وعلى جبهته عرق أخضر يبرز عند الغضب فقط. كان
عمر وحور توأمين ملتصقين برأسين وجسد واحد. عمر أسمر
عبوس، مقطب الحواجب، لا يعرف الابتسامة، يغضب بسرعة
ويهدأ بسرعة، بينما حور أبيض جميل، موحد اللون، عليه ملامح
السكون والابتسامة، وعيناه دائمًا متجهة إلى السماء.

كان متعبًا بقوة، يفتح عينيه ينظر إلى عمر ويتسهم وكأنه
يسخر منه ليتكلم بقوة:

"صباح قديم بوجه قديم يا عمر".

عمر:

"وما هو الجديد يا حور؟"

حور:

"إنك لم تسمعني وأنا أحلم؟"

عمر: "وبماذا تحلم يا حور؟"

عمر: "أنا جائع يا حور".

حور يضحك: "لماذا أنت جائع؟ أولم تشبع من كل هذا

الظلام يا عمر؟"

عمر بسخرية: "شبع من وجهك القديم، لكن لم يشبع

بطني. هيا قم أيها الأبله".

حور:

"هذا فطوري من الأحلام يا عمر".

عمر:

"أرجوك، لا أريد أحلامًا، أريد طعامًا ساخنًا".

حور: "متى الفصل؟ متى تفتح النافذة؟"

عمر:

"أيها الضعيف، لماذا أنت روحاني بهذا الشكل؟ ألا

تحس بالجوع؟"

حور:

"قلبي شمسي وقمري، وجسدي مفصول، وسار بعيدًا

عني في سماء مجهولة يبحث عن النور ولا يراه، كأنه طائر مربوط

بالشجرة تكاد تنهار ولكنها لا تنهار".

عمر:

"لماذا يا حور؟ لماذا كل هذا؟ أنت لماذا لا تشتهي الطعام؟"

حور: "أنتظر من يأتيني به. تأخر، لكن أحلامي تقوم بالواجب دائماً".

عمر:

"نعم، متأخر. كل هذا وأنا وحدي أشعر وأنت لا تشعر".

فجأة صوت قوي يدق الباب، يقوم عمر بسرعة لكنه يجلس، ولكن حور لا يقوم بسرعة.

عمر:

"بسرعة، حاول!"

يصرخ عمر في حور:

"ألا تسمع أيها الأبله؟ هذا صوت الطعام، وهذا عم سعيد. لا حول ولا قوة إلا بالله".

يمشي حور ببطء شديد، يمشي عمر وحور عند الباب وكأنه يجبر حور جبراً. حور:

"لا تفتح الباب، جرب أن تطير بدل المشي وحلق في سماء كتب عم سعيد بدلاً من طعامه".

عمر: "اذهب أنت وكتبك إلى الجحيم، ولا تأكل معي".
يفتح عمر الباب بغضب، ليظهر لنا رجل عجوز يلبس ثوباً فضفاضاً، ينظر لهما كأنه خائف منهما. يقتربان منه، ومن يده السمراء العجوز وهما مبتسمان. عمر وهو ينظر للأكل سعيداً: "إزيك يا عم". بينما حور يأخذ يده ويقبلها. يسحب عم سعيد يده من حور. حور: "هل أنت بخير؟" يناولهما الطعام وبعضاً من الكتب الهالكة: "ده اللي لقيته النهاردا، نعمة. انتبهوا على روحكم". ويضع الأكل بسرعة ويغلق في وجههم الباب. يمسك عمر بالطعام، لكن حور واقف يتفرج على عمر ويضحك.

عمر:

"أبله، هل ستأكل معي أم ماذا؟"

حور:

"تأكل عيناى الجميلة أولاً، يجب أن تأكل أنت أولاً يا عمر".

عمر:

"كفاك سخرية، اجلس وكل معي الطعام".

جلس عمر و حور. كان عمر يأكل الطعام بسرعة، و حور يمضغ ببطء كأنه لا أسنان له. وبينما حور يمسك باللقمة تلو اللقمة ويمضغ ببطء شديد، انتهى الطعام في بطن عمر، و حور لا ينتهي وما زالت الشمعة ترتجف وتحكي. مشهد من الطعام لا ينهيه حور أبداً ، حتى بدأ يقرأ في أحد الكتب القديمة وما زال الطعام في فمه يُمضغ. أنهى عمر بشخيرهِ القوي، وما زال الطعام في فم حور لا ينتهي منه. استيقظ عمر يتثائب بشدة، أحس بضيق شديد في صدره.

ينظر عمر إلى الشمعة في اشمئزاز: "يوم بلا شمس كالاعتاد". ينادي:
"حور، استيقظ".

استيقظ حور، ولكنه لا يفتح عينيه كأنه يحلم. عمر:
"يجب أن أتأكد أنني حي من أمس".
حور نائم لا يجيب. عمر يدندن أغنيته المفضلة وكأنه يصرخ ويصرخ ويصرخ، لكن حور نائم. بدأ يفتح عينيه على أغنية عمر، بيتسم، ويغني عمر أغنيته التي كتبها بنفسه:
"سقطت تفاحة وفي حضنها الأرض والحلم والهواء،
سقطت تفاحة حمراء، سقط آدم وحواء، سقطت البداية..

حمراء، خضراء، زرقاء، صفراء، وفُتحت أرض، فُتِح نبض!
وغسلت عذرية السماء..."

عمر يسكت. يضحك حور:

"تفتح ماذا؟ قل مرة أخرى؟ هل في هذه الدنيا من يتغنى
بالدماء؟

من الذي علمك هذه الحروف في رأسك الفاسدة يا
عمر؟ ولماذا تغسل العذرية؟ إنني أراها في كل مكان. انظر لعذرية
المبادئ في نفرتيتي، لا يهزها شيء". ينظر حور لتمثاله المفضل
وهو على الطاولة. التمثال كان برأس نفرتيتي وجمالها الذي لا
مثيل له، بعينها الواسعة المملوكة ولكنها بعين واحدة، لا عين
ثانية لها.

عمر بأسف على نفسه:

"متى أخرج من هذه الجرة المقفلة علينا؟ لا شمس لها
ولا قمر يا حور. بدل هذه الأغنية الغبية دعنا نفكر بالخروج يا
حور".

حور يسكت، لا يعرف ماذا يفعل. فجأة تغير وجه حور
وبدأ يضرب وجه عمر.

عمر:

"ماذا تفعل أيها المسخ!!؟؟"

حور:

"إنه عنكبوت ضخم يحاول أن يغرز في وجهك يا عمر!!"

عمر:

"اتركه، ربما هو من يحس بنا".

حور:

"لا أريده، لا أريد العناكب. أريد أن أشم رائحة جميلة ناعمة، وجه نفرتيتي الجميل. نحن مقصرون في بنائه، كل هذا العمر لم نستطع إكماله. يا لوجهها العذب! أتعرف يا عمر، أنا لا أريد أبدًا إكماله، لا أريد ليدي أن تفارق هذا الجمال". يسكت قليلاً ويكمل: "لماذا تحب هذه العناكب؟!"

عمر:

"وماذا نفعل؟ هل تأتي لنا يا حور بامرأة تبرد على قلبك وقلبي؟ نحن قلبان لا يلتقيان يا حور".

حور:

"لن أرد عليك".

عمر: "فلتذهب للجحيم".

حور:

"أيها الأبله، لن أعطيك حلمي ولا وجهي. أنا أعرف كيف يصير وجهي يشبه وجه نفرتيتي الحالم ويحقق شيئاً يوماً ما، كما حققته نفرتيتي تماماً".

عمر:

"لماذا تأخر علينا اليوم عم سعيد؟"

حور:

"ربما له ظروف، أيها الجائع دائماً. أولم تأكل قريباً؟"

عمر:

"نحن لسنا الملائكة التي لا تسكن الأرض. أريد طعاماً، بدأت أجوع. أريد أن أكل لحمًا طازجًا".

حور:

"لم أحس بشيء من الجوع يا عمر".

عمر:

"الطعام!"

حور:

"منذ زمن بعيد يا عمر، أتذكر أمي وأبي، والله ما زلت أشم رائحة أمي وأبي في كل مكان".

عمر:

"أمك التي لم ترها يا حور منذ زمن، هل تذكرها؟ أنا لا أذكر شيئاً، وأبوك أين هو؟ لقد ذهب.. لقد ماتوا.. لأننا هنا منذ عشرات السنين ولم يأت أحد إلى هنا سوى هذا الرجل الذي اسمه سعيد، يأتي بالكتب الحمقاء والطعام، ولا يتكلم كأنه شبح، ويمضي سريعاً ويذهب كأننا في كوكب آخر".

حور:

"أمي رائحتها ناعمة وحزينة".

عمر:

"أمك التي أتت بك معي في جسد واحد قد أتت بنا إلى الدنيا، ذهبت مع الريح. كل يوم أمي نفرتيني! ألا تتعب؟!"

حور:

"هاتِ التمثال، تمثال العظيمة الجميلة نفرتيني. ليس لنا شيء سواه، ولا أقبل شيئاً معك من هذا الهراء".

عمر:

"أنا جائع! أنا أنشد الله أن نموت! تمثال من؟ فلتذهب نفرتيني إلى الجحيم، أصلاً هي في الجحيم".

حور:

"كلا -إن شاء الله- هي في النعيم".

حاول حور أن يوقف عمر، ولكن عمر لا يقف.

عمر:

"أقول لك أنا جائع".

حور:

"هيا عمر، لنفعل شيئاً جميلاً، مزاجي مختلف لهذه

الليلة".

عمر:

"لا، لن أفعل ذلك الشيء، إنه لا يكتمل أبداً".

حور: "حاول".

عمر:

"كم لنا في هذا التمثال الذي يُسمى نفرتيتي البايع جداً؟

كما أن وجهه مليء بالتجاعيد ومختلف عن بقية التماثيل. من

أين لها هذا الجمال الذي تتكلم عنه؟"

حور:

"أتعرف التجاعيد يا عمر، الذي يفكر في الطعام فقط؟

إنها ترمز للزمن، مهما تقدم الزمن ستبقى الجميلة بجمال مبادئها.

ثم إني أراها جميلة الجميلات وأنت تراها عجوزًا بشعة. كلُّ يرى الناس بعين طبعه".

ينهض عمر وحوور بعد أن فقد عمر أي فرصة أخرى لبقاء الوقت معًا. تبدأ كفوفهم بالعمل من تراب وطن. كان التمثال لنفرتيتي الجميلة بعينها السوداء الواسعة، ولكن إحدى عينيها ما زالت مضروبة، عوراء بلا عين.

عمر وهو يضحك يغضب:

"لماذا هي عوراء إذًا؟"

حور:

"الآن تسأل؟ إنها فقدت حبيبها وزوجها العظيم أختاتون".

عمر يضرب التنسيق بينه وبين حور في بناء التمثال القديم الذي بنوه منذ سنوات ولم ينته. كان التمثال يتحدى قدرتهم على الاستمرار، ولكنهم ما إن يبدؤون به حتى تصيبهم حالة من الجنون والإحباط، فيرميه عمر أرضًا، خاصة عمر الذي يحاول كسره، ونفرتيتي صامته لا تكسر أبدًا. حور يحاول رفعه من الأرض.

أمسكه بلطف شديد كأنه طفل صغير.

عمر:

"(ينشد) عيني تدور برأسي، عيناى أفق عناكب صيغ
بالخيوط طريقه".

حور:

"عمر، ما الذي بينك وبين العناكب؟"

عمر:

"أنت يا حور، أنت أنت! ما هي العلاقة بيني وبينك؟!"

حور:

"نحن كلنا واحد".

عمر بغضب:

"لا إله إلا الله، رحمتك يا ربي رحمتك، الحمد لله أنى
استحملت سخفك كل هذه السنين. اسمع يا حور، أنا أريد أن
أكل الفأر الذي فى السجادة. سمعت أم لم تسمع؟"
يكمل عمر:

"سنتهى من نفرتيتى، متى يا حور؟ إننى جائع. لماذا
تأخر علينا سعيد؟ ألا يحس بنا؟"

عمر ينزل لوحده للأرض، يميل معه حور. ينشد عمر:
"يا حذائي سأكلك كأحلامي، وتبدأ رحلة الجوع".

حور:

"وكأننا أجزاء يا عمر لفظتها الحياة جملة فلم تكتمل. يا عمر، نجدف كلنا بلا فائدة في بحر الحياة الواسع. يا عمر، قلوبنا يا عمر ترتقي ولا تنكسر ولا تنحني".

عمر:

"نموت كلنا ولا نموت، لا شمس ولا ليل ولا مكان ولا زمان، يا رب دائماً هكذا. كل هذا العمر طوله ونحن اثنان. أفرجها علينا".

ويكي عمر:

"ما أصعب الحياة يا حور!"

حور:

"معك حق، فقط نحن جسد واحد وقلوبنا مختلفة يا عمر. سعيد لم يأتِ هذه الليلة أيضاً".

حور:

"كأن الزمن توقف، لا أعرف يا عمر".
يستيقظ عمر من فكره وكأنه كان في حلم بعيد فجأة:
"أنا جائع أيها الحيوان!"

عمر يكمل غاضبًا:

"رد عليّ، رد، لم أكل شيئًا، لم يحدث لنا شيء!"

يضحك حور وهو ينظر إليه:

"لا تقتلني بجوعك يا عمر، ليس لي غيرك، أين ذهب؟ لا

بد أن نذهب معه!"

عمر:

"لا بد أن أكسر هذا الباب، الجوع يقتلني ولكن لا حول

لي".

حور:

"دعنا ننام هنا".

يفتح عمر عينيه:

"ولكن لماذا لا ننام؟ كيف أنام وأنت لا ننام؟"

حور لا يرد.

عمر:

"استيقظ من أوهامك، استيقظ من نفرتيتي يا مجنون.

يبدو أن هذا الرجل لن يأتي، لنا ثلاثة أيام!"

عمر يقوم، ويحاول أن يقوم، وهو يحاول أن يقوم:

"لا بد أن نقوم، لا بد أن أعمل شيئًا، يا الله".

حور:

"يا عمر، وماذا نفعل؟ من يفتح لنا الباب؟"

عمر:

"نحاول نفتح الباب، لكن لم نفعل ذلك منذ زمن بعيد.

لا بد أن أفتح الباب يا حور! افتح الباب!"

حور:

"أين أمي؟ كيف أفتح الباب بدون أمي وأبي؟!"

عمر:

"أيها المجنون، لا يوجد غيرنا، أنا وأنت، سنموت".

عمر يقف ويجبر حور على الوقوف بقوة حتى يصحبه إلى

الباب.

عمر:

"أيها الغبي، ماذا تفعل؟!"

حور:

"لا بد أن نرجع، عمر، لن نفتح الباب، لكن كيف نفتح

الباب؟ افتح الباب!"

عمر:

"تعال نفتح الباب".. وكان الجو مشحوناً بالجنون والقلق.

حور:

"ليته يتكلم، هذا الباب المغلق من سنين".

عمر:

"افتح لنا الباب. اذهب أيها المجنون، اذهب".

حور:

"انتبه، نفرتيتي يجب أن تكون معنا".

عمر:

"هي لن تفتح الباب".

حور:

"لماذا تقول هذا الكلام عليها؟ لا إله إلا الله. هي قلبي

وحياتي كلها".

عمر:

"قم يا حور، اترك الهراء وقم للحقيقة، يجب علينا

الخروج. يكفي علينا هذه الجمادات".

عمر:

"قم وافتح الباب".

حور:

"كيف أفتح الباب؟"

عمر يصيح ويتعرق بغزارة:

"يجب أن نخرج يا حور. لقد متنا ولن يدفننا أحد،
والشمعة بدأت تنطفئ".

وأظلم البيت وانطفأت الشمعة.

عمر:

"قم، قم، قم، قم أيها المجنون، قم!!!"

حور يبتسم ويكي:

"أيها المجنون!"

قام عمر يفتح الباب، يحاول، يحاول، لكن بكرة الباب
ثقيلة جداً. يحاولوا أن يفتحوه بأرجلهم. يدقون الباب ويدقون حتى
ارتموا على حافة الباب. فُتح الباب وحور وعمر على الباب، حور
على عتبة الباب ينظر للأفق طويلاً.

حور:

"كأن للأرض رائحة تأتي بنفس من الليل".

جلسوا ينظرون إلى السماء، ينظرون، ينظرون ولا يملون.

أخيراً حور:

"أخيراً، كيف كنا عايشين في القبر هذا يا عمر؟ لا نريد

الطعام، نريد السماء".

عمر:

"كيف نريد طعامًا؟ ولكن فعلاً يا حور، منظر السماء
ساحر، جبار. حتى الأرض جميلة، هي رائحة الطين والزرع
والطعام. وأخيراً فتحنا الباب، لماذا لم يفتح الباب؟ لماذا كنا
أغبياء طوال هذه السنين؟ لماذا سُجِنّا؟"

حور:

"قل لي من الذي سجننا؟"

نظر إلى يده:

"انظر يا عمر، نفرتيتي في يدي. قلبي يستنشق الهواء".

يكمل حور:

"الله، نسيت أن هناك هواءاً!"

"والله هذه المفاجأة! نفرتيتي أنا وأنا نفرتيتي. لن أتركها. لا
بد أن تكون معنا، الله يجمعنا هناك أيضاً في الدنيا والآخرة الكبيرة
الحلوة هذه. أين عم سعيد يا تُرى؟ مات؟"

عمر:

"أنت مجنون، أنت مجنون جداً يا حور!"

حور:

"ليتني ألقاها".

عمر يمسك تمثال نفرتيتي ويقول:

"ليتني ألقاها وأتزوجها بدلاً منك!"

حور:

"لأول مرة عمر! أجننت؟ كنت تكرهها وتقول إنها من

الأحجار!"

عمر:

"استيقظ، نحن خارج الحجرة يا مجنون!"

حور:

"ماذا سنفعل؟ نحن لا نملك أي شيء سوى نفرتيتي

الجميلة، وهي فعلاً جميلة وشاعرة، لكن ربنا معنا".

عمر:

"أين هو سعيد؟ هذا الرجل قد يدلنا على شيء".

حور:

"عمر، سعيد كان يأتي منذ عشرين عاماً ولم ينقطع عنا.

قد يكون توفي يا عمر، لا ندري، كل ذلك في علم الغيب".

عمر:

"بارد! لماذا أنت بارد بهذا الشكل؟ ماذا سنفعل؟ أول مرة تقول كلمة حق. هل مات سعيد؟ حور، سنذهب... أين يا تُرى؟ هل ماتوا؟ أمي وأبي... اشتقت لأمي!"
حور بسخرية:

"روحي مع روح أمي لم تفترق يا عمر، يا عمر اصبر، ليكن فكرك ولو لمرة واحدة جميلاً وأبيض! انتبه، هذه أمي وأبي، رمز وجودنا في الدنيا".

عمر:

"أيها الأبله، ماذا سنفعل؟"

حور:

"أنا متأكد أنهم على قيد الحياة، أمي وأبي على قيد الحياة". يكمل حور وهو ينظر لنفرتيتي: "لا إله إلا الله، ليتك يا نفرتيتي تنطقين. جئت إليك أَللملم رُوحِي القَتيلة، ذَاكرة الأرض قصيرة، جسدي يتدحرج وروحي فيه مثل دمل".
بدأ حور يكي بشدة، وعمر يصرخ، وما زالوا على عتبة الباب حتى غشيهم النعاس والتعب، وذهبا في نوم عميق...

صوت رعد يهدر، صوت كبير يرج جسدهما ويرج الأرض معهم. فجأة، يهطل المطر كثيفاً، تبللاً تاماً، وتبللت الأرض من تحتها. صارت الدنيا كلها مبللة، وصارا يبيكان كالأطفال، يضحكان، يمسكان بعضهما ويصرخان: "مطر! مطر! مطر!"
وما هي إلا لحظات حتى غرقا في مياه كالسيل الكبير.
هو نهر فعلاً! اشتد جريانه بشدة المطر بدأ يشتد واشتد من فوقهم ومن تحتهم جريان النهر يشتد.

حور:

"رحمتك يا رب!"

عمر:

"للموت! للموت يا حور، سنذهب للموت، ربنا ارحمنا يا

رب!"

وفجأة اصطدما بصخرة، فصلتهما تماماً. وتكسرت

نفرتيتي تماماً، واختفيا عن بعضهما...

حور يبكي:

"لا تذهب عني!"

عمر يصيح:

"أنا خائف! أحبك يا حور! أحبك!"

حور:

"لن أذهب".

عمر يبكي ويصيح حتى انقطع صوته.

حور:

"أين أنت؟!"

عمر يصرخ بشدة، وحور فقد تمامًا. صار عمر مجنونًا

وهو يصيح:

"أنت حور! أنا أحبك!"

وكان عمر يبحث عن رأسه الآخر:

"لا تتركني وحدي يا حور! أنت نصفي! أنت روحي!

أن.."

ولكن لا أحد يرد. فجأة، توقف عمر وأغمي عليه. انتهى

به المطاف في بلدة عتيقة قديمة، ولم يستيقظ إلا على شمس

دافئة تضرب وجهه. استيقظ، ولكنه لم يقدر على فتح عينيه إلا

بقوة. هداً عمر وكأنه في حلم بعيد. بدأ يجف ويختفي الماضي،

كل شيء جديد الآن. البنيان قديم جداً، طلاء المباني تقشر

تماماً، وبدأ العظم في الظهور. الشارع قديم جداً، وتمشي على

متنه مياه عكرة راكدة، والشمس ساطعة جداً، تضرب أشعتها بقوة

في رأس عمر كأنها توقظه بقوة. نهض عمر، لم يستطع، حاول مرة أخرى، لكنه ارتمى على الأرض.

كانت رائحة الشوارع القديمة تحته، مياه لا تجف أبدًا، ملقاة في الشارع. أمامه نفاية مليئة لآخرها، وأطفال صغار يلعبون بيكرة من المطاط، يقفزون من فوقه ولا يابهون به.

عمر:

"أنتم يا أولاد! ألا ترونني؟!"

لا أحد يرد عليه. ظل ينظر بقوة وبإعياء شديد للناس. مرت بجانبه عربة خشبية عليها خضار وطماطم، والرجل ينادي: "طماطم! يا مجنونة، يا طماطم!"

التف حول العربة نفر من الناس يبتاعون من الرجل، وكان عمر يتأملهم وهو مستند على جدار قديم مشقق، والناس من حوله يمشون، لكنهم لا ينظرون إليه. حاول أن يكلمهم، يلمسهم، يمسك بتلابيب ملابسهم، ولكنه لا شيء. لم يلحظه أحد، لم يسمعه أحد، أي أحد. كان يصيح ولم يسمعه أحد منهم أبدًا. الكل كان يرتدي الجلابيب، وفوق رؤوسهم الطواقى الصغيرة.

مرت بجانبه امرأة سمينة تضرب ابنها الصغير:
"مش قلت لك ما تخرجش للشارع إلا مع أخوك يا ابن
الجزمة! تلعب في الشارع ليه؟ ومخليني وراك زي المجنونة يا ابن
العبيطة!"

تحرك قليلاً، لكن لا أحد يراه. بدأ يمشي قليلاً، حتى
سمع صوت الأذان. ابتسم قليلاً وانشرح صدره. حاول أن يكلم
أي أحد يمر بجانبه، أمسك بأيديهم، لكنهم لا ينظرون إليه.
تكلم معهم، لكنهم لا يسمعون، لا يحسون.
عمر:

"أنا فين؟ ليه ما حدش شايفني؟ ليه ما يسمعونيش؟ مش
حاسين بيا ليه؟"

حتى مرت به طفلة تتنطط هنا وهناك. أمسك يدها بقوة،
ولكنها لم تحس بشيء. التفتت إليه فجأة، ابتسمت له،
وأخرجت لسانها وهربت.

حاول اللحاق بها، لكنه كان مجهداً. مر بجانبه طفل
صغير ذو جلاية مخططة، أمسك بيده وقبّلها، نزلت دموعه،
لكنه تركه يمشي في حاله. تنهد عمر وهو يتذكر لسان الطفلة
وابتسم:

"لا إله إلا الله، أخيرًا حد حس بيا".

حاول المشي، لم يستطع. حاول، حاول، حاول، لكنه لم يستطع. صار يمشي بقوة، حاول أن يمشي، حتى مشى مجهدًا وأغمي عليه مرة ثانية.

مر زمن على عمر، ولم يحس به أحد، ولم يحس بأحد. كم من لحظة من اللحظات مرت عليه. فتح عينيه وكأنه في حلم بعيد، وبدأت الصورة تتضح شيئًا فشيئًا.

"أنا حي لسه؟ مين اللي جابني هنا؟ هو ده بيتنا؟ آه، ده بيتنا فعلاً!"

نظر إلى الجدار الأزرق المشقق، ابتسم.
"أيوه، هو اللون الأزرق ده".

نظر إلى السجادة وضحك فرحًا:
"هي دي السجادة بتاعتنا اللي كنت بلف فيها حور".
نظر إلى الكنبه وقماشها المشجر بورودها الكبيرة:
"هي دي الكنبه أم الحنية كلها!"

ابتسم وأغمض عينيه وتنفس:
"أخيرًا، أنا في بيتنا".

فتح عينيه على صوت جميل حنون للغاية، صوت قادم من حجرة بجانبه. جرى عمر وفتح باب الحجرة، فرأى فيها قمة أحلامه، أمه وأباه. صوت يعرفه يرتفع من جديد، تدمع عيناه:

"أمااااااه! أمي حبيتي، روعي، أمي! أنت عايشة، أمي!"

جرى عمر واحتضنها بقوة، لكنها لا تحس به. ناداها:

"أمي! أنت مش عرفتيني؟ أنا حبيك، أنا ابنك! يا حنة من روعي، أنت يا قلب عمر!"

المرأة لا ترد وتستمر في إيقاظ زوجها بيدها السمينية الحنونة البيضاء، ذات العروق الكبيرة، والأظافر المقصوصة تمامًا، وجلاليتها الخضراء المقلمة:

"فتحي، قوم، قوم يا فتحي! يا فتحي، يا فتحي، يا فتحي!"

فتحي:

"نعم".

عمر:

"أبويا!"

يجري عمر يمسك برأسه يحضنها بقوة، يقبل رأس أبيه كثيرًا ويشم رأسه ويقبلها، يحس بعرقه الحار وهو يتصبب على

جبهته. "أبويا حببي أبويا" وهو يكاد يفتح عينيه بالقوة من الفرح والدموع المنهمرة من عينيه، صدره تبلل بدموعه وشهيقه. "أمي أعرفها! أمي!" جرى عليها يحتضنها قبلها حتى قدمها، سلم على يديها، على رأسها، على قدميها. إنها لا تعرفه ولا شيء يحدث له، ولا أحد يحس به وكأنه ليس موجوداً. عمر يصرخ: "إنتو مابتسمعونيش ليه؟ إنتو مابتحسوش بي ليه؟" فجأة خرج فتحي من الحجرة ورجع إلى نفس الحجرة، وعند الباب أمسك عمر بيديه يقبلها ويقبلها حتى مال على قدمه، ولا أحد يحس، ولا أحد يرى ولا يسمع. جلس فتحي وهو ما زال شاباً في أواخر الشباب، لكن الشيب ملأ شعره وظهره مُنحِن وعيناه مهذلتان مكسورتان. قَبْل فتحي رأس أمه صباح، كانت جميلة كالصباح، بدينة مبتسمة، لكنها تحمل كسرة العين والظهر المَجْنِي عليه. كانت شابة ولكن التجاعيد ملأت يديها ووجهها، وظهرها مُنحِن وعلامات السكينة على وجهها وتقول:

"ما رحتش تجيب الفول ليه؟"

ينظر إليهم عمر ولا يصدق ما يحدث. كانت الحجرة لم تتغير من صغره، سرير حديدي ضخم يتوسط الحجرة نفسها، وستارة مغلقة ذات نقوش كبيرة، وكنبة صغيرة تحت الستارة تبدو

بقماش مهمل، تتخلله تشققات صغيرة معبرة عن الزمن. كان عمر ينظر إلى الحجرة، يسترجع ذكريات غير مكتملة قديمة، أكل منها الزمن ما أكل. ارتفع صوت فتحي يقطع ذكريات عمر. فتحي:

"إنتي شايفاني تعبان وإنتي مش حاسة بيا ولا إيه يا صباح؟"

عمر:

"هي أمي، آه أمي، الله ريحتك يا أمي، من زمان ماشفتك، ربنا يخليكي لي ولا يحرمني من ريحتك أبداً". يجري إليها يقبلها مرة أخرى. صباح:

"آه يا فتحي ما أخذناش حاجة من شغلنتك دي إلا الهم وهدة الحيل اللي مش جاية همها حتى، لكن أحسن حاجة تعملها في حياتك إنك تروح تجيب الفطار عشان تسند نفسك". فتحي بسخرية:

"عشان تسندي نفسك يا أختي".

صباح:

"تبسم وتغمز له، طيب جيب لأمك بلاش احنا".

نظر إليها فتحي:

"أمي، آه نسيت".

يجري فتحي يخرج من الحجرة قليلاً ويرجع في يده طبق من الفول الساخن وضعته صباح على فرشاة قديمة ووزعت العيش. فتحي: "آه نسيت الطرشي يا صباح". قعد يفرك يده بقوة وأكمل: "حتزل مني دلوقتي". أما صباح تهز رأسها وتبرم وجهها، تحاول أن تتكلم لكن لا تعليق، وجلسا يأكلان وعمر معهم، يأكل معهم، ينظر إليهم بحنان، ولكنه وكأنه لم يأكل شيئاً. لا أحد يحس به ولا يسمعه. صباح بوجهها عمر:

"أمي وأبي!" كان فتحي وصباح لا يتكلمان في الأكل، صامتين تماماً، ربما مر عليهما زمن طويل من طول انتظارهما مع بعضهما، لكنهم لا يشعرون بأن معهم أحداً، ولا يسمعون. صار الدمع ينهمر على وجهه: "ليه أمي وأبوي فينكم، تركتونا ليه، يا الله ما تردوش عليّ ليه؟"

لم يكن ينظر إليه أحد. قامت صباح وذهبت من هذه الحجرة. عمر: "دي هي أمي حبيبة قلبي". يتابعها بدموعه لكنه يحاول أن يجعلها تراه ولكن بلا فائدة. كان عمر يبكي معها

بدموعه. كانت صباح تمشي رويدًا رويدًا، فتحي ينظر إليها بإشفاق:

"الحياة ملهاش طعم ولا لون إلا لونك يا صباح". وبدت اللقيمات صعبة المضغ على فتحي. جلس فتحي يأكل ببطء شديد، ينظر له عمر يحاول أن يقبل يده ورأسه، لكن للأسف لا يحس به، إنه لا يراه: "ليه يا يما ليه يا بابا؟"

فجأة دخلت سيدة عجوز ضخمة بملامح غليظة وأنف عريض وعيون واسعة ليست جميلة أبدًا ومكحلة، تلبس جلابية سوداء وعلى رأسها طرحة سوداء. تبدو ملامحها ذات شر كبير، أنفها من كبره كأنه يتنفس أشياء كبيرة غير الهواء، عيناها جاحظتان فيها كحل أسود غليظ يزيد القتامة السوداء التي في وجهها. فتحت الباب بقوة شديدة، عمر ينظر إليها، يبدو على وجهها تجاعيد كثيرة طويلة فوق العادة، تلف رأسها بعصبة سوداء فوق طرحتها السوداء، بعيونها الجاحظة وصوتها العالي، تتفرس في وجهه فتحي وتناديه:

"فتحي، أنت مش هتفطر معايا؟! تعال يا ابني كل معايا، مش كل حاجة معاها".

فتحي:

"يمه أنا ما كلتش من الصبح، نسيت نفسي، سامحيني أصل ليه يومين ما كلتش". العجوز تبصق على وجهه وتمضي وتقف الباب بشدة، وقبل أن تغادر لمحت عمر، نظرت له طويلاً. نظر لها عمر بقرف، هزت رأسها وأغلقت الباب. وما هي إلا لحظات يتمدد فتحي جنب صباح. عمر يتمدد معهما، ولكنهم لا يحسون بشيء. يدق جرس الباب، فتحي يقوم بصعوبة شديدة كأنه لا يريد أن يقوم، تقوم صباح تضع إشارباً على رأسها وتذهب إلى الصالة ذات الجدار الأزرق المشقق. فتحي يفتح الباب، رأى رجلاً مربوعاً تتقدمه كرشه الكبير، ينظر لفتحي بسخرية:

"إزيك يا سي فتحي؟ وبعدين معاك يا راجل؟"

يطأطئ فتحي رأسه. فتحي:

"معلش، أصل الميتين قلو اليومين دول".

الراجل:

"وأنا مالي، ما يقلوا ولا يكتروا؟ أنا عاوز فلوسي يا فتحي،

فين الإيجار؟"

فتحي:

"لا إله إلا الله".

فجأة تدخل العجوز زينات تسحب فتحي للداخل، ينظر

لها الراجل بخوف:

"خلاص، خلاص، الحساب عندي المرة دي، أصل

الحساب يوم الحساب".

تصفع زينات الباب بشدة، خاف عمر، تراجع، أمسك

بجلاية أبيه. تقترب زينات من ولدها وتصيح:

"مش كل واحد تفتح له الباب".

طأطأ فتحي رأسه وذهب لحجرة نومه، تتبعه صباح

تاركين عمر لوحده مع زينات. نظرت العجوز زينات كأنها رآته من

قبل، حدقت فيه طويلاً مرة ثانية بنظرات لم تكن جميلة أبداً،

لكنها لم تقترب منه. شعر عمر بالخوف منها، وهي ذهبت

لحجرتها وصفعت الباب. دخل عمر الحجرة بهدوء، كانت

معتمة إلا من ضوء صغير يرتجف هنا وهناك من لمبة الجاز.

كانت الستارة مغلقة كأنها تكتم سرّاً لا نهاية له. نظر عمر لأبويه

طويلاً، أبوه يتمدد على السرير، وأمه تجلس فوق كنبه صغيرة

تتحدث مع أبيه بصوت خافت كأنها خائفة أن يسمعها أحد:

"يا فتحي، وبعدها من أمك دي مش حتجبها لبر أبدًا".

فتحي بقرف:

"اصطبحي وقولي يا صبح".

صباح:

"خلينا نسيب البيت والرزق من الله".

فتحي:

"نسيب البيت؟! إنتي اتجننتي ولا إيه؟!"

صباح وهي تحثه بهمس:

"وماله، أنت عاجبك الحال دي؟ ولية شر! ما يقدر عليها

إلا ربنا؟"

فتحي:

"أمي دي يا صباح".

صباح وهي تتأمل إجابة منه:

"نشوف لنا حاجة غير البيت المنحوس ده يا فتحي،

اشتغل أي حاجة، فلاح، شيال، أي حاجة يعني، اشتغل أي

شغلانة بالحلال، أنت مش لاقى إلا الميتين دول". فتحي وكأنه

يعاتبها:

"ومالهم يا صباح، الميتين دول كافيين شرهم". صباح:
"يا أخي، ده أملك بتعمل حاجات استغفر الله".
فتحي يصرخ في وجهها:
"عاوزه عملي مشكلة دلوقتي يا صباح، بعدين تعمل إيه؟
دي بتخلي الناس تحب بعضها".
صباح:
"يا راجل، تحب إيه، أعوذ بالله من الشيطان الرجيم، دي
الشيطان نفسه".
فتحي بقرف:
"وبعدين معاك يا صباح".
عمر ينظر إليهم ولكنه لا يسمع، فقط مبسوط إنه
جنبهم، يقبل يدهم تارة وفي حضن صباح تارة. صباح:
"ربنا ياخذها ونرتاح منها، أعوذ بالله، أستغفر الله العظيم،
دي ولية نحس".
عمر يهز رأسه: "والله باين عليها أوي".
فتحي:
"بتقولي إيه يا صباح، مش سامع".

صباح:

"لا لا ما بقلش حاجة".

فتحي:

"اهدي بقى وخليكي في حالك".

فجأة يفتح الباب، تظهر زينات ذات التجاعيد الصعبة:

"بعدهالك خلي عندك دم يا ولية، حلي عن دماغي،
قولي يا صبح". نظرت إليها صباح بحزن شديد وطرقت رأسها،
ظل عمر ينظر إلى هذه العجوز العنيدة كأنه يحاول أن يفترسها،
وفجأة ظهرت أصوات من هنا وهناك، البيت تزلزل تحت قدمي
عمر، والكل صامت وكأن لا شيء يحدث، يرتج السقف، يهتز
السرير، يرجف عمر بشدة، تسقط الكتب من على الطاولة،
وتسقط الطاولة. هناك من تحت السرير، تخرج قطط من هنا
وهناك، سوداء تدور حولهم، عمر يصرخ ولكنها تقترب منه غير
خائفة. يجري عمر يمسك بالمقشة ليضربها لكنها تختفي،
وصباح وزوجها لا يتحركون كأنهم اعتادوا الوضع، لكن صباح
كانت تقرأ بصوت عالٍ آية الكرسي، المعوذات، وتهز رأسها
بحسرة. وما إن بدأت القراءة حتى خرجت زينات مسرعة من
حجرة صباح، وما إن فرغت صباح من القراءة حتى عاد الوضع

كما هو عليه. ظل عمر يبكي: "هو في إيه؟" يتكئ على الجدار، يرتمي عند قدمي أمه، يحضنها بشدة، يهدأ المكان، وعمر مغمى عليه، لا يستيقظ، حتى أشرقت شمس اليوم التالي. تشرق الشمس من جديد وتدخل إلى النافذة، قامت صباح تتأهب: "يا فتاح يا عليم، أصبحنا وأصبح الملك لله". تتنهد صباح وهي تلم الكتب وترفع الطاولة وترتب المكان وتغلق النافذة وهي تتمتم بقرف: "ربنا ياخذك، يا زينات".

فجأة، عمر يحس براحة تسري في بدنه تحت رجلي أمه، وهي جالسة تذكر الله وتتلو القرآن، وقد بدا عليها التعب الشديد من ليلة صعبة، ويشخر فتحي بشدة، لم يقم أبدًا من الليل، وتنعس صباح على الكنبه مرهقة من نوم غير مريح، وتذهب في نوم عميق لغفوة مريحة في صباح مضطرب غريب لكنه يبقى صباحًا يُشعر بالأمان.

يفتح عمر عينه بعد أن أخذ غفوته مع أمه على ضوء الشمس في الظهر، الكل يستيقظ، تتنهد صباح، توقظ زوجها: "فتحي، قوم يا راجل، شوف حالك، قوم صلي، بقينا الظهر وجبنا العيش قبل ما أعمل الغداء، قبل ما تيجي فتحية". النهاردا جاية مع عيالها تتغدى معانا. فتحي:

"هي الساعة كم يا صباح؟"
"ما شفتش الشمس عاملة إزاي؟ بقينا الظهر يا راجل".
فتحي:

"حاضر يا ولية، ما أشوف أمي، يقفز من فوق السرير.
عاوزه إيه؟"

صباح:
"أمك مين يا راجل؟ مش مالين عينك ولا إيه؟"
فتحي:
"بقول لك أمي هي بركة البيت ده، لتكون عاوزه حاجة
تاكلها قبل الغداء".

صباح:
"بسخرية: إيه إيه دي بركة دي؟ دي؟!" فتحي بغضب:
"وبعدين معاك يا ولية".

صباح:
"يا فتحي، مش هي اللي خلصت على أبوك، بركة إيه
بس؟" وتبتسم كأنها تؤذيه بالكلام مزحًا وجدًا.

يقترّب منها فتحي غاضبًا وقد احمر وجهه: "أنّتي قصدك إيه؟ أنا فتحت لك قلبي مرة بالكلام ده، أنت مش عاوزة تجيبها لبر اليومين دول ولا إيه؟"
صباح:

"خلاص يا أخي، مش هزعلك خلاص". عمر بدهشة:
"إيه يما، خلصت على مين، أنت بتتكلمي بجد؟"
يفتح باب الحجرة، تدخل فتحية شبه مبتسمة، تسلّم على أبيها وعلى أمها:
"أهلاً يا أمي، أهلاً".

سلم أطفالها على جدهم، يقتربون من صباح وهي تحتضنهم وتأخذ من تحت الوسادة حلوى توزعها عليهم. يقترب منهم عمر، يقبلونه، يضحكون له كثيرًا. يقترب من أمه:
"أنا عاوز يما حلاوة زيهم كده".

ويضحك الصغار، يفرح عمر بهم بشدة لأنهم رأوه، حسوا بيه: "أخيرًا حاجة تفرح، هما حاسين بيه. أحباب الله دول، ربنا يخليهم، دول حتة من قلبي أنا". صباح:
"هما مالهم عيالك النهاردة يا فتحية؟"
تنظر لهم فتحية:

"والله مانا عارفة يما، مالكو أنت وهو؟"
الأطفال لا يردون، وعمر ينظر إليهم ويضحك ويلعب
معهم ويقفز معهم على السرير، يتسمون، صاروا يلعبون معه
ويلعبون. فتحية:

"بسم الله الرحمن الرحيم. مالكم يا عيال؟"
يخرج فتحي من الحجرة ويذهب إلى أمه، يصفع الباب
خلفه. تقترب فتحية من أمها: "إزيك يما، عاملة إيه؟"
صباح:

"نحمده يا فتحية، إزيك أنت وراجلك عامل إيه؟"
فتحية:

"والله ما لاقى شغل طول النهار، من بعد الحادثة وهو
بيدور، والحمد لله كل يوم بيدور ويدور، مفيش حد عاوزه. من
يوم ما اتكسرت رجله، وهو يا حرام مش لاقى حد يقبله، وأصلاً
حیشتغل إيه؟"
صباح بتأوه:

"خليه يوقف على دكانه، يوقف على حاجة، يحاسب،
يعمل حاجة".
فتحية:

"يما يحاسب، ده ما يعرفش الألف من كوز الدرة، الحمد لله مستورة. باع القيراط اللي عنده لحد ما يدبرها ربنا. قوليلي يما" - تنظر إلى الباب - "إزاي جدتي؟ عاملة معاكي إيه؟" صباح: "يا أختي، ربنا ياخذها، يا طول النهار نايمة، وتسمعنا الأصوات في الليل، وبتحضرهم وبتعمل أعمال وزار للي يسوا وللي ما يسواش، هو إحنا بنام، ربنا يكفينا شرها، هي ولية مش بتخاف من ربنا، إيه ده؟" فتحية: "لا حول ولا قوة إلا بالله".

صباح:

"هي بتعمل حساب لحد، ربنا ياخذها ونخلص منها".

فتحية:

"معلش، يما، معلش، بكرة حتفرج، يما. أنت بالأسود ليه لحد دلوقتي، دي سنين، ياما عدت، امتي حيتغيري بقي؟" الأم تدمع عيناها وتبكي.

صباح:

"هو في فرح بعد عمر وهور، يا رب". فتحية:

"معلش، يمه، بكرة إن شاء الله تهدي الأمور وتنصلح
الأحوال، بس أنتي اهدي وروقي، واشتكي لرب العالمين".
يتسمر عمر ييكي عندما سمع اسمه، يقترب من أمه،
يمسح عينيها من الدموع، ويكي في حضنها، لكن لا فتحية ولا
أمها يرونه. عمر بقوة، ويهز أمه:
"أنا هنا يمه، أنا هنا يمه".
لكن لا أحد يسمع. فتحية:
"والله يمه أنا إحساسي يقولني إنه عمر وهور عايشين".
تبتسم صباح:
"صحيح يا فتحية، والله بتكلمي جد، يعني أنتي حاسة
باللي أنا حاسة بيه، بس أبوك يقولني: أنتي أتخبطي في عقلك يا
ولية".
فتحية:
"ربنا يفرجها وتشوفهم قدامك".
صباح:
"يا ربي، فتحية، يا رب ما تدعيلهم، يا فتحية، دايمًا".
يفتح الباب، يأتي فتحي بالطعام:
"يلا يا ولاد تعالوا ناكلوا لقمة على ما تقصر".

تأخذ فتحة الطعام من أبيها، تفرش في الأرض، ويتجمع حولها الصغار وينضمون إلى عمر، ويشيرون له بالأكل. يتسم عمر أخيرًا:

"فينك يا حور، تجي تاكل معانا، أخيرًا حد حس فيا".
ويجلس بجانبهم ولكن لا أحد يراه، وصار يأكل معهم بنهم حتى ضحكوا عليه وبدأت الدعابة معهم، يأخذ لقماتهم ويأخذون لقمته. عمر:

"الله! ما أحلى الجمعة يا با، يا رب تكونوا دايماً مبسوطين، أنتم النور في حياتي، يا رب تكونوا بخير دايماً، ويجي حور ويكملنا، ضحكتكم بالدنيا والله".
صباح تبتسم:

"فتحة، كلي وانبسطي، أصل ولادك النهاردة دول حاجة تانية خالص يا بنتي".
فتحة:

"بقولك إيه يا با، ماتجيو تقعدوا معايا كام يوم".
فتحي يضحك:

"هو أنتي لاقية تأكلي حتى تأكلونا؟"
فتحة:

"لا يا با، اللقمة الواحدة تكفي مية، بس أنت انوي، مش
راح تندم، تغير جو وتنسبط شوية أنت وأمي".

فتحي:

"بقول لك إيه، كلي يا فتحية، وسيينا في حالنا يا بنتي.
أنا بكرة ورايا دفن الصبح".

فتحية:

"ربي يتوب عليكم من الشغلانة دي يا با، واللّه دي بتهد
الحيل".

فتحي يهز رأسه:

"يا فتحية، دي فيها أجر دنيا ودين يا بنتي".
صباح تنهد: "طيب و—" وفجأة تفتح الباب زينات،
تجري فتحية:

"إزيك يا جدتي".

تنظر إليها بغل:

"انتو ما عندوكوش ناس نايمة، جتكم الغم".
فجأة يدق الباب بشدة، يقوم فتحي ليفتح الباب. تدخل
امرأة في مقتبل العمر، يظهر عليها الإعياء، تصيح وتولول:
"افتح يا سي فتحي!"

فتحي :

"مالك، في إيه يا سيدة؟"

سيدة :

"الحقني، أنا عايزة الست بسرعة".

فتحي :

"نايمة، تعالي بالليل".

سيدة :

"أرجوك، الموضوع ما يستحملش، خليني أدخل لها".

فتحي :

"لازم أعطيها خبر".

سيدة :

"يا ست صباح، إلحقيني!"

تخرج صباح لها، تنتهد:

"يا سيدة، يا بنتي، ارتاحي شوية واشربي كوباية مية".

تخرج زينات غاضبة :

"بجد أنت قليلة الرباية؟ أنت ما تعرفيش الأصول؟ يا

سيدة، أنا ما قلت لك ما تجييش بالنهار أبدًا تصحيني من نومي،

يا بنت الكلب".

سيدة:

"الحقيني يا ستي، والله ما أقصد، والله ما جابني إلا الشديدا الأوي، ياستي، راجلي كسر البيت على دماغني وطفش وتركني أنا وعيالي أسبوع وما حدش عارف عنه حاجة، بعدما هدم الدنيا وطفش وما حدش عارف له طريق".

جرة زينات باستهتار: اتون

"وما يطفش وأنا مالي!"

سيدة، وهي تبكي:

"أبوس إيدك، إديني حل".

زينات:

"بقول لك إيه، تجيني المساء، ما عنديش كلام ثاني".

تغلق الباب بشدة في وجهها، تخرج منهارة وتتمتم

بالكلام:

"لا إله إلا الله، يا رب افرجها من عندك".

تقبل صباح:

"يا بنتي، يا بنتي الدنيا عاوزه لها صبر، ولازم نصبر، ورب

العالمين هو وحده القادر على حل مشكلتك".

سيدة:

"إيه يا ستي صباح، ده أنا ولية ومكسورة، ما عنديش حد غيره، والراجل ده ما يخرج الشيشة من بقه خالص، أبدًا، عايش على الدخان ودلوقي في الحشيش، وهاتك يا فلوس كل ليلة، وفجأة مش عارفة ماله صار مجنون أوي، وطول النهار هاتك يا ضَرب في العيال، وأخذ كل فلوسي، وهج من البيت".

صباح:

"هو طول عمره كان واخذ فلوسك؟"

سيدة، وهي تبكي:

"بس كان مستحملنا ومداري علينا، دلوقي كسر البيت كله، فجأة صار يضرب كل اللي قدامه ومشى، مش عارفة أعمل إيه، قليلة الحيلة أنا، ياست صباح، يادوبك على لقمة للعيال".

صباح:

"معليش، يا أختي، بالراحة، وكل حاجة حتتحل، اصبري وتوكلي على ربنا، هو اللي ليكي، إن شاء الله، ربنا يكرمك بإذن الله، وأنتِ بقى اتلمي وبطلتي المشي البطال".

سيدة:

"هي خدمة البيوت بتجيب اللقمة، والله ياست صباح،
أنا لو الراجل ده اشتغل ما كنتش مشيت أبداً في السكة إياها".

صباح تغمز لها:

"أنتِ يا فتحية، اللي ما تعرفيش تقولي لحد أبداً لا".

فتحية تحضن صباح وتبكي كثيراً:

"ادعيلي".

يخرج فتحي من حجرة أمه:

"مع السلامة، دي الوقت يا سيده".

سيده:

"فتكم بعافية".

صباح، وهي تضرب كفاً بكف:

"أمك وعمايها يا فتحي، كله بسببها".

فتحي:

"حتشوفي، أمي حتظبطها، حتشوفي".

صباح:

"تزبط يا ابني إيه، أنت وأمك تخربوا بيتها، ما تشوفي

الولية دي عملت فيها إيه".

عمر يهز رأسه:

"إيه الجنان ده؟"

يدخل الليل، كانت صباح تجلس على الأريكة وحدها، تغزل طاقة من الصوف لفتحي. كانت تغزل وعينها تتكلم بدلاً عنها، وتفكيرها جله في عمر وحوور، وكيف التخلص من زينات التي قضت على سعادتها تمامًا. توقفت عن الغزل، أحست بالضيق من فكرها الشديد.

"يا رب، توب عليّ من العيشة دي". انهمرت دموعها على وجهها، ولكن ما زالت تخط. ظل عمر يمسح عليها ويقبلها. هزت رأسها وكأنها تذكرت شيئاً ما. ظلت تبكي وتبكي، وهي تنظر لجروح عتيقة في يدها. جلست على الأريكة، تنفست بعمق، رجعت برأسها للوراء. كانت الصور تجري في رأسها وتنعكس على عينها. وهو يمسكها من يدها، يحاول تهديدها رجل ضخم. تذكرت رائحة قميصه المقززة، وتذكرت كيف دفعته بقوة ليضربها ضرباً شديداً. ظلت تصرخ حتى انهارت. حاول أن يمسك بها ثانية، كانت تركله بكل ما أوتيت من قوة.

تذكرت وبكت وبكت، صمتت. تذكرت مرة أخرى صوراً سوداء عن ماضي مؤلم قاسٍ. انهارت يدها وهو يلويها بشدة،

يحاول كسرهما والسيطرة عليها. بصقت في وجهه، ضربها على وجهها ورماها أرضاً. ظلت صباح تتذكر وتمشي وسط حجرتها. حتى دخلت زوجته، بصقت هي الأخرى في وجهه: "هي حصلت مع الشغالة كمان يا ابن الكلب". خرج يجري من البيت. فركت صباح يدها وهي تتذكر نظرة المرأة التي اجتمعت فيها كل أنواع الشرور. اقتربت منها المرأة: "اسمعي، لمي عزالك، وعشان انتي مش وش الحاجات دي، اهربي، مش عاوزه أشم ريحتك في البلد دي، وإلا قسماً لكون قاتلاكي بيدي". كانت صباح تتذكر وتهز رأسها بقوة، وظل نفسها يصعد معها بقوة. كانت تهرول، لا تعرف أين تذهب. ظلت صباح تروح وتجيء في حجرتها، تتذكر قسوة ما حدث. كانت تجري في الليل كالليل الذي في النافذة الآن، حتى وصلت المقابر، هاربة من الشرير الذي كانت تشتغل خادمة عنده وزوجته البجحة التي لم ترحمها، بل قست عليها، طردتها وهددتها، ناسية ظروفها القاسية وهي تحت رحمة زوجة أبيها التي لم ترحمها من ضربها وعملها في الخدمة، بل استولت على أجراها بحجة علاج أبيها العجوز وإيجار البيت والطعام. وفجأة ابتسمت، تذكرت وجه فتحي وهو خارج من المقبرة مفجوعاً منها: "أنت مين؟ أنت جنية

ولا إنسية؟" ابتسمت صباح وهدأت نفسها، وهي في الأريكة تتذكر وجهه وخوفه ولمعان عينيه في تلك اللحظة. كانت خجلة منه، تذكرت أنها لم تستطع أن تكلمه، وتذكرت حنان يده وهو يجلسها على الأرض ويسألها: "أنت مين اللي جابك المدافن في دي الساعة دي؟" لم ترد عليه. سقاها ماءً. كل هذا وعمر يتعجب من حال أمه وهي تبكي تبسم وتضحك: "الحمد لله يا ماما، اضحكي، إيوة كده". كانت صباح تتذكر حتى أحست بقليل من السعادة، وأمسكت الكروشييه تحاول أن تكمل طاقة فتحي، ولكنها تذكرت وجه زوجة أبيها وهي تقترب منها وتشد شعرها في المطبخ حين احترق الأكل من يد صباح المسكينة. كانت زوجة قاسية، عقيماً، تكره صباح لأنها لم تستطع الإنجاب. كانت غليظة اليد، تربط منديلاً أسود وجلايية حمراء، وبغلاظة شديدة تشد شعر صباح: "هي حصلت تحرقني لقمتنا يا فاجرة!" كان وجه المرأة يختلط بوجه زينات القاتم حتى اتحد الوجهان في عين صباح، التي كانت الدموع تتحدث عن ذكريات بعيدة غير جميلة. أبداً لم تستطع صباح قمع الذكريات.

وإذا بالبواب يدق. يذهب فتحي لفتح الباب ويلقى سيدة
في وجهها غم ودموع منطفئة. فتحي:
"تفضلي يا سيدة".

سيدة:

"هي الهانم صحيت؟"

فتحي:

"آه، تفضلي. استني شوية، أديها خبر".

حاضر يدخل فتحي:

"تعالى يا سيدة". تدخل سيدة على زينات، تقبل قدميها.

زينات:

"إيه يا ولية، قلت لك رشي عند العتبة بس، عند العتبة يا

ولية يا خربانة، تدلقيها على السرير ليه؟"

سيدة:

"تطأطئ رأسها. بصراحة أنا كنت عايزة منه يحبني على

طول زي ما أنا أحبه، قلت أدلقه كله على السرير، أخلص بقى،

يمكن ربنا يهديه ويشغل، يرحمني من خدمة البيوت".

زینات :

"أهي اندلقت على دماغك يا أختي، كسر دماغك.
عمومًا استحملي". تتلفت إلى الدولاب الحديدي تأتي بضرورة
كبيرة.

"اسمعي، رشيها عند العتبة بتاعة المكان اللي هو موجود
فيه دلوقتي، ورشي عند باب بيتك كمان، وقولي لي حيحك قد
إيه". تقبل سيدة يدها وقدميها:
"يحبني تاني؟ يا ليت ويرجع ينور بيته. حقه ده أكون
مديونة لك بعمرى".

زینات :

"يا ولية، بطلي المشي بتاعك، على الأقل دلوقت يمكن
ينهدي ويسامحك".
سيدة :

"والله الشغل في البيوت ما يوكلش عيش أبدًا، نعمل إيه؟
ده حتى الحشيش نساہ الحريم خالص".
زینات :

"بقولك اتعدلي بقى".

سيدة:

"أمرك".

تخرج سيدة مسرعة، تلقى صباح تطأطئ رأسها وتمسكها.

صباح:

"ربنا يفك كربك بإذن الله".

تدمع عين سيدة الشابة:

"معليش، معليش يا أختي، حتى لو اطلقت منه، المهم ما تغضبيش ربنا".

سيدة تهز رأسها:

"تباتي بالعافية يا ست صباح".

يدخل فتحي يسلم على يد أمه ورجليها:

"ربنا يخليك لينا، يمه، دحنا مالنا غنى عنك أبدًا".

زينات:

"لِمَ مراتك مالهاش دعوة أبدًا بحاجة. فاهم ولا لأ؟

مالهاش تدخل بوزها بوز الإخص دي".

فتحي :

"يما دي بتحبك يما".

زينات :

"حبها برص".

فتحي :

"حاضر يما، اللي تشوفيه حبها برص، يعني حبها برص".

زينات :

"ايوة كده".

تخرج زينات من دولابها قطعة مربوطة من القماش :

"خد يا فتحي مع الدفنة".

فتحي :

"أمرك يما".

يخرج فتحي سريعاً من أوضتها ويدخل أوضته يجري،

يضعها فوق الرف العلوي من دولابه.

صباح :

"لا حول ولا قوة إلا بالله، هو إيه ده؟"

فتحي :

"مالكيش دعوة يا صباح، خليك في حالك".

صباح:

"بيت شياطين يا أخويا، ده إبليس ذات نفسه بيروح وقت الموت. بقي أنتم بني آدمين، اتقوا ربنا، أنت راضي على البلاوي اللي بتعملها؟"

فتحي:

"يا ستي، دي بتملا القلوب حب وبتفتح البيوت".

صباح:

"دي تفتح الشر يا راجل. اتق الله في المسكينة سيده، شوف عاملة إزاي"، وتكمل صباح:
"عملها أسود فيها، وغيرهم وغيرهم وغيرهم، اتفو، راجل ناقص".

فتحي يقترب منها ناوي يضربها: "ما تلمي نفسك يا ولية الليلة، ولا أرناك حنة علقه".

عمر يقف في وجهه: "مش حتقدر تضربها".

يخرج فتحي.

يدق الباب من جديد، يفتح فتحي، يدخل راجل يلبس جلابة فاخرة بشنبات فاخرة، بيرمها وهو ينظر لفتحي:

"إزيك يا راجل، مسا الفل".
فتحي: "أهلاً يا معلم. اتفضل".
المعلم: "يزيد فضلك، هي الست هانم صاحبة".
فتحي: "أكيد يا معلم".
يدخل فتحي غرفة أمه: "يما، المعلم!" تخرج زينات
سريعاً: "أهلاً يا معلم".
المعلم: "أهلاً بيك يا ست الكل، إزاي الحال؟"
زينات: "نحمده".
المعلم: "يا ست هانم، هو في موضوع كنا عاوزين منك
خدمة فيه".
زينات: "أنا تحت أمر الأبهة دي".
المعلم: "خش انت يا فتحي لمراتك".
يخرج فتحي، يقترب المعلم من زينات، ويخرج من جيبه
مالاً كثيراً: "هنا وعافية يا ست الكل".
تدس زينات المال في صدرها وتبتسم: "أؤمرني يا معلم".
المعلم: "الفتوة مرسى مش جاييها لبر".
زينات: "عامل إيه ده الآخر؟"

المعلم: "عمال يضرب ده ويفك راس ده ويلم من كل حته، ويا ويل حد يتكلم".

زينات: "مايلم يا أخويا، واحنا دخلنا إيه؟"

المعلم: "الناس اشتكت منه ومش راضين يبلغوا، خافين أوي منه، راجل مفتري".

تنظر له زينات وتغمز: "اشتكت لك يا راجل".

يتسّم المعلم: "أه، كلك".

تنظر يا معلمها، هي تضحك من قلبها.

زينات: "طيب يا أخويا، ابقى أعزمه على شاي".

تذهب لدولابها القديم وتعطيه قطاره: "يبقى دلعه، وحط له كم نقطة في الشاي ثلاثة أيام، وحتدعيلي".

يتسّم المعلم: "طول عمري داعيلك والله، بس لا يطب ساكت".

زينات: "اوعى يطب ساكت".

تضحك المعلمة: "تلات أيام بس، ماتزودش".

دمك خفيف أوي الليلة دي يا معلم.

يضحك المعلم: "ده انت اللي عسل وكلك مفهومية...".

زينات: "طيب، غور وحتدعيلي".

المعلم: "فتك بعافية يا معلمة أنتي".
بيتسم ويغمز لها، ويخرج، يقفل الباب.
عمر يدخل حجرتها، تنظر له زينات بحدة ولا تتكلم،
كأنها تتحسسه.

ينظر لها عمر. تنظر له بحدة شديدة لدرجة أرعبته.
يجري عند غرفة أمه ويقفل الباب.
وما إن قفل الباب حتى سقطت الثريا المتهالكة
وتكسرت.

تقوم صباح: "فرعة، أعوذ بالله من الشيطان الرجيم".
يخرج خلفها فتحي: "في إيه؟"
يسمع صوت دق عنيف من السقف، يحضن صباح.
فتحي: "صباح، اهدي، اهدي. انت ما كنت متعودة
خلاص، جراك إيه المرة دي؟"

ترتعب صباح: "كله منك انت وأمك، أنا اللي ساكتة
وصابرة، أنا جبته لنفسي، أنا الليلة دي قلبي مقبوض أوي، وحاسة
إن في الدولاب وحوش عاوزه تخلص علينا، بتعملوا ليه كدة يا
فتحي؟"

فتحي يحاول أن يهدئها: "معلشي، معلشي، اهدي".

صباح: "أعوذ بالله من الشيطان الرجيم".
تقرأ صباح آية الكرسي: "الله لا إله إلا هو الحي القيوم، لا
تأخذه سنة ولا نوم".

عمر يشدها من رجلها، تفزع: "أعوذ بالله من الشيطان
الرجيم".

كان عمر فزعًا هو الآخر.
تكمل: "الله لا إله إلا هو الحي..."
تبكي تكمل تبكي حتى هدأ الدق وكأن غمامة سوداء
بدأت تهدأ.

وفي قدميها عمر يزحف باكياً، يغلق الباب.
فتحي متعجبًا: "إيش معنا المرة دي يا صباح؟ منتي طول
عمر ك متعودة على زلازل البيت ده".
صباح، وهي تنظر له خائفة: "حاسة في حاجة تحتحصل،
مش عارفة، قلبي حيقف".

يتوقف المشهد، وتمضي أيام وأيام كأن شيئاً لم يحدث.
البيت هادئ، زينات لم تغادر حجرتها، حجرتها قاتمة
كثيبة، وصباح لم تغادر هي الأخرى إلا لإحضار الطعام وتنظيف
الصالة.

فتحي يخرج أحياناً، يرجع سريعاً، إلى أن دق الباب مرة أخرى.

يخرج فتحي لفتح الباب، يظهر رجل محمر الوجه عليه
كآبة شديدة: "هي الست هانم صاحيه؟"

فتحي: "أهلاً حنفي، إزيك؟ ادخل."

يدخله للصالة، يقعد حنفي ينظر له.

فتحي: "ازاي ابنك؟"

يطأطي رأسه: "نحمده".

ينظر حنفي له كأنه يستعجله.

فتحي: "حاضر".

يدخل حجرة أمه.

تخرج زينات بدون غطاء رأس، يقوم حنفي يجري يقبل

يدها: "الحقيني يا ست هانم، ولدي تعبان أوي".

زينات: "انت شربته الدوا يا حنين؟"

حنفي: "ايوه، أيوه يا ست هانم، وكان زي الحصان".

زينات: "بس إيه، في إيه؟"

حنفي: "رجع اتدهور تاني ونزلت صحته، دا مش عارف

يمشي أبداً".

زينات: "طيب يا حنفي، يبقى جييهولي بكرة في الليل
أقرأ عليه".

يقبل يدها حنفي: "متشكر أوي، بنتعبك معانا".
يضع مبلغاً من المال في يدها ويخرج: "تعال يا فتحي".
تدخله حجرة نومها، تعطيه حاجة من تحت الوسادة.
ينظر لها فتحي: "حاضر يا ماما".

زينات: "بكرة دفنته مع دفنة الحجة ثريا، وابقى ادفن معاه
اللي قبله".

ينظر لها فتحي خجلاً: "معلش يا ماما، أصلي بقوم
الضهر".

يخرج من غرفتها سريعاً، ويدخل غرفته، يضعه في
الدولاب، يقفل الدولاب.

ينظر لصباح، يقعد جنبها: "ازيك يا روعي".
صباح: "يارب تاخذ روعي".
وهي ترى الدولاب المغلق: "تاني، انت مش حتوب
بقي، والله ماني قاعدة لك".

تذهب إلى دولابها. يمسكها فتحي: "استهدي بالله،
انتي تروحي فين بس؟"

يكمل فتحي: "انت ست الكل، انت اللي في القلب".
يبتسم عمر: "الله الله يا بابا".
صباح: "هوانا عشان وحدانية، تعملوا فيّ اللي عاوزينه".
فتحي: "وتسيبي فتحي لمين؟"
صباح تهدأ قليلاً: "انت السبب، تعمل لها كل اللي في نفسها".
فتحي بجذ: "اصبري بس، اعمل اللي في دماغي، واقتلها بيدي".
فجأة، يحصل غضب في الأوضة.
يفتح باب الدولاب ويغلق، يفتح ويغلق.
تفزع صباح، وعمر يرتمي في حضنها.
يقوم فتحي فرعاً، يغلق الباب بالقفل.
تقرأ صباح آية الكرسي: "فتحي انتبه، خد بالك، شكلهم سمعوننا".
وتبكي. كانت صباح منهارة جداً، كانت تقرأ وتبكي:
"إيه الهم ده يا ربي؟"
فتحي: "معلشي، سامحيني، انتي اللي تسييني نايم
ومش بشوف ميت. صبحيني الجنازة الجاية الصبح، وأنا

أخلصك، انتي اللي تركيني الضهر. حصر فهم بقى ازاي؟ اهي جات على دماغك".

صباح: "ده ذنب الميتين، ربنا رحمهم من عمايلكم السوداء، وانت قلت إيه، تقتلها، أنا سمعت كده، صح يا فتحي؟"

يكيكي عمر، وتبكي صباح، ويصمت فتحي حزينا: "حقولك على كل حاجة".

في مشهد آخر، حور يظهر من جديد، يتشاءب، يحاول فتح عينيه، يفتحهم بشدة، حاول أن ينهض، لم يستطع.

بدأ يهمس: "عمر، عمر". لا أحد يرد.

حاول أن ينهض، لم يستطع.

أحس وكأن ترابًا من تحته ساخن. تساءل: "أين أنا، وكأنني

لست بخير؟"

سمع همسًا ضعيفًا كأن أحدًا يتكلم.

بدأ الهمس يعلو تدريجيًا: "آت يا ملك الأبدية، يا سيد

الخلود، ارحم عبدك أختاتون".

كان الصوت آتيا من أعماق المقبرة.

حور: "أين أنا، أختاتون؟ مين؟"

ينظر في المكان، يقوم فزعًا.
كان المكان مكتظًا حول جثمان ملفوف أبيض في صورة
كبيرة جدًا تملأ المقبرة، وحوله أناس من الفراغة: "ما هذا؟ أين
أنا؟"

كان المكان يتحدث عن نفسه.
حور: "أنا في حلم ولا علم؟"
يلمس نفسه: "أنا فين؟"
الصوت مرة أخرى:
"آتون، آتون، يا رب أحناتون العظيم، ارحم عبدك
أحناتون".

حور: "يا ربي ارحمني، أنا أنا حور".
"يا رب، يا رب، أنا إيه اللي جيني هنا؟ أنا وسط المقبرة
ليه؟ وايه الصورة المتحركة دي؟ ومين الناس دول؟ الله، أنا مش
حور، مش فيه ربنا، مش فيه سيدنا محمد، إزاي المكان ده
موحش بشدة؟"

كان المكان يرتدي هيئة الزمن القديم. يتوسط المكان
صور كبيرة جدارية مرسومة بدقة شديدة. الصورة بدأت تتحرك هنا

وهناك. كل ما فيها يبكي وينوح، وكل خلية في جسد حور تعيش مع الصورة لحظة بلحظة.

موكب جنائزي ضخّم، مومياء أخناتون محمولة تُجرّها ثيران كبيرة. يجرّ الثيران رجال ضخام يبدو عليهم القوة مع الفقر. ملابسهم أخف كثيرًا من الباقين. تمشي على جدار المقبرة، الثيران يجرّهم رجال ضخام. كان حور خائفًا منهم، يسمع همسًا يبدأ ككل مرة ضعيفًا ثم يقوى:

"يا حبيب قلبي يا أخناتون".

حور: "ليه حبيبي؟ مين أنتو؟ وأنا مين؟"

"يا أختي، هو أنا ليه معاكم؟" كانت المرأة تبكي، حور:

"أنتِ يا ولية مش شايفاني؟"

كانت المرأة نفرتيتي، بوجهها الناعم الجميل، المكحل العين، اللامع الشعر، وكأن الزمن توقف عند وجهها. تجلس عند رأس أخناتون، تبكي بشدة. جلس بجانبها حور، مجذوبًا لجمالها الكبير:

"الله، نفرتيتي، أيوة، أنتِ نفرتيتي، أنتِ حبيبتي، أنتِ ضي عيني، كل الحلاوة دي وقاعدة تبكي ليه؟"

جلست نفرتيتي تبكي وتبكي، فوق رأسها رسم للشمس
ينتهي بكفوف صغيرة:

"أخناتون، خذني من هذا العذاب".

بدأت نساء يُخَنَّ معها ويبكين، يلطمن وجوههن بشدة
ويجفرن شعورهن:

"فداك نحن يا أخناتون العظيم".

حور: "أنتم عاوزين جنازة عشان تلطموا فيها، بس أنت
وهي في المكان المقابل للنائحات، كانت هناك موائد تحتوي
على فواكه وأزهار. يقف عليها اثنان من الكهنة، أحدهم يمسك
بقارورة التطهير والآخر يمسك بسهم ليؤدي شعيرة فتح الفم".

يعلو صوتهم رويدًا رويدًا:

"يا من جعلت الأرواح كاملة، اجعل روح أخناتون النقية
منتصرة معك، يا من تعطي الأرواح الخبز والحياة في الصباح
والمساء. فلتعطِ أخناتون الخبز في الصباح والمساء، ومهد له
السبل حتى لا ينتبذ ولا يرتد، واجعله منتظرًا لك معك على

الدوام. إني أنا الكاهن المخلص، قد قمت بما يجب أن يقام به من طقوس".

كان الكاهن يدعو ويحيب عليه المصلون.

نفرتيني: "تقوم وتصيح، أيها الرب آتون المقدس، الذي أتى منك إلى الوجود كل أشكال الحياة. أنت من ثبت الكلمة في الأرض، غمرتها بالنعم والصمت، أيها الواحد الوحيد الذي عاش قبل البدء، قبل أن تصنع الأرض والجبال. يا صانع الأشياء الكائنة، لتجعل صورة أختاتون مطهرة، تسطع سطوع الشمس الجميلة، ولتجعل شمسك الكبيرة فوق جسده يومًا بعد يوم".

تنتحب نفرتيني وتكمل:

"يا رب الأبدية، يا خالق لا نهاية، كلماتك لا يمكن حصرها، وضياؤك لا يمكن تصويره، ارحم عبدك أختاتون". يسود صمت، يرتفع الصوت قادمًا من الجزء الأيسر من الصورة، حيث كان رجلان ينتحبان لبعضهما. أحدهما يمسك المحبرة والأفلام، والآخر في يده برديات كثيرة، وكان ينتحب ويكي.

أحدهما: "سنرجع الآن للكهنة الظالمين، لن يكون هناك في الأرض سلام وتوحيد بعد الآن".

حامل البردية: "التوحيد إلى عمله، أخناتون مش حيروح هباء. مش حيروح، ده حارب طول عمره عليه، والأقلام والمحبرة تشهد على كدا".

"متخفشي، ده كان حاجة كبيرة قوي. ده ملك بحق وحقيقي".

يظهر صوت من الرجال الفقراء الذين يجرون الشيران، قادمًا من الأعماق. كان لباسهم بسيطًا، خفيفًا من الكتان. يلبسون أزراً من نسيج كتان رقيق. حور ينظر إليهم: "هم دول بتوعنا".
الأول: "جنازة رائعة".

الثاني: "ملك رائع".

الأول: "أخناتون، ربنا نجاه من الكهنة الظالمين، ملك عادل، بس حنعمل إيه؟ دا كان الأمن والأمان. ده أعطانا الأمن والعزة، وريح حريمنا من الخدمة، مش حريمنا بس، حتى ولادنا الصغار ما يناموش إلا وهما شعبانين. دا كان معزنا قوي، مش عارفين حنعمل إيه من بعده".

حور: "ربنا يلطف. ولا أنا عارف".

تأتي من أسفل الصورة نائحة صغيرة تبكي وتكلم.

الأولى: "مسكينة نفرتيتي، لقد فطر قلبها على أخناتون".

الثانية: "تركته قبل أن يموت. مسكينة، أكيد ندمانة".
الأولى: "أنا زعلانة على حالها خالص، ومنها وعليها. والله ربنا ينتقم من اللي وقع بينهم".

الأولى: "تعرفي يا أختي، الرجالة والله مالهم أمان".
الثانية: "لا، أخناتون ملك الأمن كله. غلط إيه ده كله، أمان وقوة، وموحد. ومنين تقولي لمين؟ غلط حق الرجالة. دولا هما اللي غلط".

"أنت عارفة جوزي المقرف ده بيعمل إيه؟ ده بيشغل كثير، كثير أوي، وشوية ينام ويصحى على الشغل تاني، ولا كأنه فيه مرة معاه".

تضحك الثانية بصوت خفيف: "والله برضه يا أختي، برضه هو شغال ليكي أنتِ وعيالك. أومال أنا أعمل إيه؟ ده أنا اللي بشتغل وأخبز نائحة وأعجن، وأنا أجيب للعيال، وما فيش فائدة منه".

"قال: 'دانا تعبان ومش وش شقا. أصل وحيد أمه وعينه طويلة على الرايحة والجاية.'"

وتلفت لحدور: "الله، هو أنت مين؟ وأنت إزاي دخلت؟ وياه اللي لابسه ده؟ مش لبسنا أبدًا، شكله غريب".

حور: "حور، عرفوني إزاي؟ مش أنا ملطوع هنا من الأول؟
إزاي شافوني؟"

النائحة الأولى: "أنت، أنت، أنت."

حور: "أنت بتناديني".

النائحة: "أيوة، أنت".

جلسوا بجانبه: "وأنت مين؟ أنت شكلك غريب كده
علينا، وإلا لا. ده أنت دخلت هنا إزاي؟ وليه أنت شكلك كده؟
أنت ملك ولا عبد؟ أنت مين؟"

حور: "مالكم بيا أنتو الاتنين؟ مالكم؟ خرجوني من هنا،
أنا انكتمت".

النائحة: "الله، أنت ما تعرفش الملك أخناتون العظيم؟"

حور: "يولية، ده مات له أربعة آلاف سنة. أنا بس مش
عارف، أنا جيت هنا إزاي؟"

النائحة: "دول، والله لو شافوك الكهنة، لا يرنوك حتة علقه
وينزلوا فيك ضرب. اخرج، أحسنلك، أنت إنس ولا جن،
وشكلك أنت مش جايب خير. اه والله، يمكن من السماء ولا
جاي من سابح أرض".

تلتفت نفرتيتي بعينها تلحظ: "الله، أنت مين؟ تتكلم بتقول إيه؟ أنت مين؟"

ارتجف حور عندما رأى نفرتيتي، وصار قلبه ينبض بشدة: "ده أنا، أنا، أنا، أنا مش عارف مين اللي جابني".

نفرتيتي: "إزاي تدخل أكبر جنازة في الدنيا، جنازة أختاتون العظيم، ومش عارف تتكلم؟ ولا أنت لابس زينا؟ وانت مين؟ هو مين اللي دخلك؟ قول، ماتتكلم".

حور:

"والله والله والله مش عارف".

النائحات:

"حتى إحنا ياملكة مش عارفين مين اللي دخله".

نفرتيتي تنظر له بغضب: "وانت بتتكلم زينا، إزاي؟"

حور:

"والله مش عارف، والله أنا، أنا مش عارف".

نفرتيتي:

"جتك ستين داهية! أنت بتكرر الحروف ليه؟ وده اللبس

اللي انت لابسه إيه؟ السروال الطويل ده والقميص الملون؟"

حور:

"ده سعيد اللي جابه".

نفرتيتي:

"سعيد مين؟ إيه ده؟ سعيد؟ وهو ليه اسمه كده؟ هو أنت،

أنت دخلت أصلاً هنا إزاي؟"

حور:

"والله مش عارف. أنت تعرفي؟ افتحي لي وأنا حخرج

صاروخ".

نفرتيتي:

"صاروخ مين؟ ده اسمك".

حور:

"لا، أقولها دي إيه؟ ده أخويا، أبويا، أي حاجة بالله بالله،

افتحي لي الباب أرجوك، أنا حور، اسمي حور".

نفرتيتي:

"وأنا الملكة نفرتيتي، امرأة الملك العظيم أختاتون".

حور:

"عاشت الأسامي! والله، أنا عاوز أمشي، أنا متجنن".

نفرتيتي:

"امشي!"

حور:

"الباب مقفول".

حور ينظر لها: "أنت ملكة عظيمة وجميلة أوي! تخيلي،
إحنا قرينا كثير عنكم وعنك أنت بالذات. ده أنا طول عمري أنا
وعمر بنيني تمثالك الجميل المكسور".

نفرتيتي:

"ليه مكسور؟ وتبني في إيه من أصله؟ هو أنت مين؟
تعرفني؟ وشكلك مين؟ أنت جني ولا إنسان؟"

حور:

"رجعنا تاني من الأول. أولًا، أنا ماليش شغلة في الدنيا
كلها إلا أنت، وكان نفسي نتقابل أنا وانت في الآخرة، مش في
الدنيا. فاهمة؟ لأنك ميتة، أنت واللي معاك من سنين طويلة.
ثانيًا، أنا إنسان مصري زيكم، أمسكيني". يمد يده.

نفرتيتي:

"كيف أمسكك؟ أنا امرأة أختاتون، أنا ملكة".

حور:

"طيب، ملكة عليهم مش عليّ يا أختي".

نفرتيتي:

"أنت بتتكلم حاجة تانية مش لغتنا. بس الغريب إني بفهمك، أنت مجنون".

حور:

"من زمان، من زمان بعيد خالص. بصي، وأنا أقول إني فطرة، يفهمني كل اللي يقابلني. أنا استويت أوي، أنا عاوز أخرج، أرجوكم، خرجوني من هنا".
النائحة:

"نعم يا أخويا، تخرج إزاي؟ هو دخول الحمام زي خروجه؟ احترنا معاك أوي".

حور:

"وأنت مالك أنت؟ أنت مالك؟ هو أنا نقصك يا متخلفة أنت! أنا أخرج غصبًا عنك".
النائحة:

"غصبًا عن مين يا أخويا؟ وأنت مالك شايف نفسك كده ليه؟ ممكن تسكت بقي، أنت في جنازة روح أخناتون العظيمة. بس أنت عرفت لغتنا إزاي؟"

حور:

"الظاهر أنك ماتسمعيش، مش قلت إن أنا الفطرة؟ يا أختي، والله كلنا مش عارفين لغة بعض، المهم إننا فاهمين بعض، لأنني فطرة، كأنا كلنا بقينا أرواح. وأنا معاكم، ومش عارف أنا ربنا حطني معاكم إزاي".

نفرتيتي:

"اسكت! هو أنت روح ولا جسد؟ عمومًا، ومش شغلك، روح ولا جسد، المهم ابكي على روح أختاتون العظيم".

حور:

"هو أنا عاوز أعرف أنا دخلت معكم إزاي".

نفرتيتي:

"واحنا عاوزين نعرف أنت دخلت معانا إزاي".

حور:

"بقول لك إيه، أنا مش عارف إزاي، لكن أنا عاوز منك طلب واحد: خرجيني، أرجوك".

نفرتيتي:

"حتخرج لما تكمل الجنازة وتخرج، وإن شاء الله ما نشوفك بعد كده. أنت شيطان، خرجتنا من جو الجنازة، ومش بتبكي على أروع ملك".

حور:

"ما تشوفني، أنا مش زيكم، يا ترى أنا عايش، مش زيكم أنتو ميتين. أنت روح منك لها، لكن أنا جسد وروح. ما تمسكوني عشان تتأكدوا إنني لحم ودم".

نفرتيتي:

"نمسك مين؟ وأنا يهمني إيه أنك لحم ولا دم؟ مش مهم، المهم إنك بتتكلم معانا، تفهمنا وفاهمينك. احنا مش بنموت، احنا نكون أرواح، بس احنا الآن موجودين مع بعض".

حور:

"لا، أنا، أنا لسا مامتش. بقول لك يا ولية، أنا عاوز أخرج، عاوز أشوف عمر".

نفرتيتي:

"مين ولية؟ ومين عمر؟ دا بتاع إيه؟"

حور:

"ده أخويا التوأم، يعني توأم".

تنظر النائحات إلى بعضهن:

"توأم توأم، مش حتخرج".

حور:

"لا إله إلا الله، ورب أخناتون، رب أخناتون العظيم،

حنخرج".

تبتسم نفرتيتي:

"ما دام قلت أخناتون العظيم، حنخرجك. خلينا نخلص

الجنابة، وأنا أوعدك إنك تخرج معايا".

حور:

"يا ولية، أنت ميتة من زمان".

نفرتيتي:

"بغضب: أنا ميتة حية، مش على كيفك. فاهم ولا لا؟

أنت اللي دخلت هنا من غير إذني".

حور:

"والله ومش عارف مين اللي دخلني".

نفرتيتي:

"طيب، عمومًا، أنت مش حتخرج إلا لما يخرج أخناتون
للآخرة".

حور:

"يخرج إزاي؟ أخرج معاه ليه؟ لا، مش عاوز، أنا عاوز
أخرج الآن".

نفرتيتي:

"حأخرجك، حوعدك إنك حتشوف الشمس، الشمس
بتاعت أخناتون العظيم".

حور:

"شمس؟ أنا عاوزة أشوف الشمس، وديني للشمس".

نفرتيتي:

"أنت بتحب الشمس زينا؟"

حور:

"حد مش عارف الشمس؟ قولي لي، أنت مجنونة؟"

نفرتيتي:

"اسمع يا حورس".

حور:

"بغضب: أنا حور بس من فضلك مش حورس".

نفرتيتي:

"احنا صورناها للإله آتون، رب أخناتون. تعرف، أنا مش عارفة أنت اسمك إيه يا حورس".

حور:

"تاني حورس؟"

نفرتيتي:

"بس المهم، الشمس دي أكبر حاجة وأحنّ حاجة عند أخناتون، وعندنا كلنا، بيحبها أوي. ونحبها إحنا، أصلها آية من آيات ربنا، وراها ربنا هي الشمس، وراها ربنا، فاهم؟"

حور:

"بس مش وراها ربنا، ربنا أكبر من كل دا، دا عنده بدل الشمس آلاف الشموس، ممكن أخرج وأشوف الشمس بتاعتك؟"

نفرتيتي:

"ربنا واحد، مش آلاف الشموس. سامع؟ ولا أخناتون
بيحب الشمس قوي زي ما قلت لك، عشان وراها إله عظيم
بناها، وبنى العالم وكله. ربنا العظيم، مافيش غيره."
تبكي...

حور:

"أنت بتبكي ليه يا ولية؟ أنت جوزك مات من زمان، من
زمان قوي".

نفرتي:

"أنا عارفة إنه لو خلصت الجنازة، لازم أطلعك من هنا. ما
تخافش، بس أنا ملكة. خليك فاكر بقى، خذ لك كم يوم معانا،
وابكي معانا، وأخرج".

حور:

"يا أختي، أنا هنا في مقبرة، وأنا حي. أعمل معاك إيه؟ أنا
عايز أكل وشرب، أنتي روح، مش هتاكلي، افهمي يا ولية.
أخناتون من زمان ده ميت أصلاً، أنتي ميتة".

نفرتي:

"أنا مش ميتة، أنا روح بحس".

حور:

"عايشة؟ أرجوكي، قبل ما تخلص الجنازة، سيبيني أخرج. شوفي، إذا خرجتيني، حاقول لك على كل حاجة حصلت. حاجات كتير حصلت، كثير أوي".

تقترب منه نفرتيتي:

"مش عاوزه، مش عاوزه أعرف إيه الحكايات اللي حصلت، بس عاوزه أعرف أنت دخلت إزاي وليه بتقول إن الشمس مش واحدة".

حور:

"طيب، خرجيني وأوعدك حقولك كده دخلت إزاي".

نفرتيتي:

"أنت تعرف لا، وبتكذب ليه؟ أنت كداب بقي؟"

حور:

"بقول لك إيه، أنا مالي بجنازتك. ما تغوروا في ستين داهية، أتم دنيا تانية واحنا دنيا تانية. احنا عندنا ملوك، عندنا حكام، وعندنا رؤساء. وعندنا ملوك في كل عصر، وعصر يروح وعصر يجي. سيبيني بقي أعيش حياتي كلها".

النائحات:

"اخرس، أنت مزعج جدًا. أنت عملت إزعاج جدًا، أه والله، يا ملكة، سيييه يخرج. لازم الأول جنازة أختاتون تخلص، وبعدها نشوف الراجل المتخلف ده".

ينظر لها حور شزرًا: "اخرسي!"

نفرتيتي:

"مش حسيبك لغاية ما تبكي على أختاتون".

حور:

"أنا مؤمن، والله مؤمن بربنا ورب أختاتون، بس خرجيني".

نفرتيتي:

"كل ساعة تقول لي: خرجني! أنت عارف أختاتون ده بنى معبد عظيم وكبير أوي أوي، ورسم شمس كبيرة فيه. الشمس اللي تعرفها واحدة، واللي هي واحدة مش ألف، الشمس دي بتاعتكم واللي خلقها ربنا، رب أختاتون هو اللي خلق الشمس، يعني الشمس أكبر من كل حاجة. عشان كدا عرفنا إنه ربنا واحد".

حور:

"والله، وأنا أعرف إنه ربنا واحد، ربنا أكبر من الشمس أصلاً، الشمس بس في حاجات أكبر من الشمس".

نفرتيتي:

"يعني في حاجة أكبر من الشمس؟"

حور:

"آه، في السماء في كثير حاجات وفي كثير كواكب".

نفرتيتي:

"أنت جني بقى، وأنا بقول عارف إزاي؟"

حور:

"أنا جديد يا ملكة، أنا جديد. سامعة؟ ولا أنتم قدام قوي قوي قوي؟ ده إزاي أنت من 4000 سنة وزيادة؟ يا شيخه روجي، في حاجات الناس اكتشفوها، حاجات كبيرة وكثيرة".

نفرتيتي:

"مش بقولك جني؟"

حور:

"بقولك إيه، آه، جني، عاجبك؟ لا إله إلا الله، أرجوك، خرجيني. طيب، أنا طبعا حاقول لك على حاجة وتخرجيني. أصلاً أنا كنت جني وقصوا جناحي".

نفرتيتي :

"ما تهزersh معايا، أنا ملكة!" وتبتسم...

حور:

"أخيرًا!"

لكنها تمسك ضحكتها.

"أنت تبكي بس ما تهزersh، يا حورس، حور، لا حورس".

نفرتيتي :

"بس المهم، حورس ده اللي نعرفه".

حور:

"قلنا مليون مرة حور!"

نفرتيتي :

"اسمع يا حور، أنا وأخاناتون كنا بنشوف الناس أنهم بيختلفوا جدًا في ألوانهم وأشكالهم، بس في حاجة بتجمعهم كدا، وفي حاجة مشتركة بيننا وبين الحيوانات. كلنا أرواح، أنت عارف الأرواح، كلنا واحد، وربنا واحد. وعشان ربنا ورا الشمس الكبيرة كلها دي، وهي واحدة، عشان كذا عملنا المعبد ده والشمس الكبيرة اللي فيه وقلنا إنه واحد، مش آلهة كثيرة زي آلهة أمون".

حور:

"حتى أنا أعرف إنه واحد، ربنا اللي خلق الدنيا كلها".

نفرتيتي:

"أنت بتاعنا اهو!"

حور:

"بتاعنا! أقول لك إيه، أنا مش بتاع حد، أنا بتاع ربنا

بس".

نفرتيتي:

"أنا مرتاحة لك، أصلاً بيني وبينك أنا خايفة، أنا خايفة
أرجع للكهنة، أصلاً آلهتهم كتير زيهم. أنت عارف إنه الناس هنا
كانت بتموت في جمالي ده. بص، مصوريني إزاي في كل
مكان؟ وأنا فرحانة وأنا زعلانة وأنا بأبكي، وأنا بضحك وأنا لابسة
وأنا مبتسمة، وأنا مع أخناتون، وأنا وأخناتون!"

وتبكي بشدة.

حور:

"هو إحنا رجعنا نعط تاني؟"

نفرتيتي:

"إزاي؟ أنا سبته طول الفترة دي!"

حور:

"ما أنتي زي الحريم تتعود على جوزها وتطفش منه!"

نفرتيتي:

"والله يا حور، أنا بحبه جدًّا!"

النائحات تنظر بغیظ لحور.

حور:

"عينهم عليّ النائحات دول!"

النائحات:

"ده لازم يخرج يا ملكة. أول ما تخلص الجنازة بالله،

واطرده بره الشمس، يا ملكة أحسن."

حور:

"أنت مقهورين مني ليه؟ أنا عملت لكم إيه؟ أنا بسمعها،

ملكوش دعوة. أنا راضي!"

بيتسم لنفرتيتي:

"وأنا بحب الملكة نفرتيتي، إيه رأيكم بقى؟ والحمد لله

إنكم بتكرهوني!"

النائحات:

"أنت اتجننت! أنت إزاي إنك تحب الملكة مرات
أخنا تون العظيم؟"

حور:

"أحبها ولا أكرهها؟ أنتم ملكوش دعوة بيا خالص!"
النائحات:

"أنت غريب وغبي وماتعلمش حاجة!"
حور:

"أنتم الغرب، ترى أنتم ميتين."
النائحات:

"نعم، وانت اللي حي يعني!"
حور:

"آه، حي! لا إله إلا الله، عاجبكم ولا لا؟"
النائحات:

"أنت عامل زي الكهنة الظالمين!"
حور:

"خالص، عشان أنا مؤمن بإله أخنا تون، أنا الآخر، أنا
راجل وحي يقول: لا إله إلا الله، محمد رسول الله."
تسكت نفرتيتي.

عينها على رجل من بعيد وكأنه أحد قادم يقترب منها،
شاب وسيم. شاب مكحل العين، يسمح بتقبيل يد الملكة، يقبل
يدها.

تنظر له بعتب:

"ليه يا توتو كده؟ ده كان بيحبك خالص!"

توتو:

"أنا اللي كنت بحبه".

نفرتي:

"بغضب: عشان كده خنته مع الكهنة؟"

توتو:

"مش سامع؟ خنته إزاي يا ملكة؟ أنا خليته مش موحد
عشان كهنة آمون ما يقتلوه".

نفرتي:

"شفت، يا حورس، أخناتون بيحب السلام إزاي؟ حتى
مع أعدائه، وحط السلام كله في الأرض. بس كان آمون وكهنته

مش عاجبهم إلا واحد، ولا عاجبهم التوحيد، ولا عاجبهم السلام. وللأسف، توتو اتعاون معاهم".

توتو:

"اعذريني، أنا بحبه وكنت بتعامل معاهم عشان أحميه".

حور:

"وأنا مالي ومالكم يا ولية يا اللي اسمك ملكة؟ خرجني، أنا مالي في أخناتون وآمون، ومن اللي فوق. خليني أخرج أشوف الشمس، عاوزة أشوف الشمس!"

نفرتيتي:

"شفت إنك مؤمن بالشمس!"

حور:

"آه، أنا مؤمن بالشمس، خارجيني!"

نفرتيتي، وهي تنظر لتوتو بغضب شديد:

"ابعد من هنا! انت متستاهلش تكون معاه، وفي جنازته!"

اطلع برة!"

توتو:

"أنا آسف، سامحيني يا ملكة".

يلتفت توتو لحور:

"أنت مين؟ ولا بس كده إزاي؟"

حور:

"خرجني معاك يا توتو".

توتو:

"وأنا مالي فيكم؟ روح في داهية، هو أنا ناقصك؟"

حور:

"يخرب بيتك يا منافق! ولا بس إيه؟"

توتو:

"اسمع، احترم نفسك! أنا أحترم نفسي أوي! أنت إيه

دخلك بيناتنا؟ أنت مين؟ أنت جني ولا إنسان؟"

حور:

"احنا حنعيده، احنا كل شوي نعيد!"

توتو:

"أنت جني بقى!"

حور:

"أنا جني ولا إنس، مالك! أنت تقترب منه".

نفرتيتي:

"سببك منه، ليه يا توتو؟ ليه عملت كده؟ حرام عليك!
أنت خليته آخر عمره يؤمن بتعدد الآلهة".

توتو:

"بقول لك أنا سببته عشان كده، عن إذنك أنا حمشي".

ينظر لحور:

"ماليش دعوة بيبك".

حور:

"في ستين داهية!"

نفرتيتي:

"خاين!"

حور:

"وأنتي سببته ليه؟"

نفرتيتي:

"وأنت عرفتته ازاي؟"

حور:

"أصل كنت أقرأ لكم كثير".

نفرتيتي:

"حورس، أنا تركته لما كفر بالتوحيد وغير رأيه في أتون العظیم. عشان كده أنا سييته، أصل أنا موحدة".

حور:

"ماكنتي أرشدتيه! هديتيه؟"

نفرتيتي:

"أنت عارف إنه رجع للتوحيد، الحمد لله. قبل ما يموت، صدقني مات على التوحيد، والحمد لله إنه رجع. أنت مؤمن زينا؟ آه، ده ربنا واحد. عجبك؟ أنا متأكدة إنك مؤمن زينا يا حورس".

فجأة يأتي صوت من أعماق المقبرة:

"لروحك السلام يا أخناتون. لروحك السلامة والتوفيق".

تبكي نفرتيتي.

حور:

"كل شوية بكا".

النائحة:

"مش جنازة!"

حور:

"أنا مش مبسوط قوي، عاوز أخرج عشان أنيسط، أنا جعان، عطشان، وحران. أنا بس مش مرتاح، أنا عاوز عمر".
نفرتيتي:

"اللي عاوزه حنجبيه. عمر حنحاول نجبيه يا احنا نسأل عنه في مملكتنا وفي خارج المملكة، وحنأكلك أحلى أكل. أنت أعمى، مش شايف الأكل قدامك؟ بس تخلص الجنازة وحتاكل يا حور. بس أنا مش عارفة ليه مرتاحة ليك".

حور:

ييتسم.

"يمكن عشان روحك فيها شبه من روحي".
النائحات:

"سببيه يا ملكة! ده مش وش نعمة أبدًا!"

حور:

"ربنا يخرب بيتكم، أنتم تسكتوا خالص. أنتم مالكم دعوة بيا؟ مال الملكة أصلاً بي؟ أنتم حاقدين عليها، أصلاً مش فاهمين حاجة. والله لأضربكم!"

النائحة:

"ولا احنا حبيناك أصلاً! لا، أنت يا متخلف! احنا اللي حنذبحك ونبكي عليك".

نفرتي:

"أنتو بتتخانقوا قدامي. بتتخانقوا وسط جنازة أختاتون! ما تستحوش على دمكم! ده أنا الملكة، وده في أمانى".

النائحات:

وهم يؤشرون على جزء من الصورة:

"كان هناك رجال يلبسون أزرة خفيفة بينون الأهرامات".

النائحات:

"بص، رجالتنا عاملة إزاي! كلهم عضلات مش زيك! لا بس إزاي؟"

حور:

"والله معكم حق، أول كلمة حق تقولوها! ولو دي رجالة
فعلاً!"

نفرتيتي:

"طبعاً، دول اللي بنوا الأهرامات العظيمة عشان نرتاح فيها
واحنا في الآخرة، ونقابل رب كريم، واحنا في أحسن حال
وأحسن لبس وأحسن أكل وشرب".

حور:

"هي روحكم فين؟"

روحهم:

"مالكشي دعوة".

حور:

"آمال، أنت بتكلميني إزاي؟ أنا من الأرض، وانتو في
السما! وفي الأرض أنا أتلخبط".

هي تحدق فيه بشدة:

"أصلاً روحنا بتزورنا، وبطل فكنا! عاوزين نبكي شوية".

حور:

"وأنا مش ميت! أنا لحم ودم! سامعة! عشان كده أنا عايز
أكل وأشرب، ولا حموت زيك!"

نفرتيتي:

"لما يجي أجلك حتموت".

نظر إليها حور طويلاً.

"تلبسي حاجات حلوة أوي يا نفرتيتي، جواهرك وأحجامها
حاجة جميلة أوي".

نفرتيتي:

"عجبوك الأحجار؟ أصلاً احنا الفراعنة بنحب الأحجار
أوي! تكلمني الأحجار كل يوم".

حور:

"بسم الله الرحمن الرحيم".

نفرتيتي:

هي بتتكلم بس أنت مش راح تسمع صوتها أبداً".

حور:

"ولا عاوز أسمع صوت حد! وعاوز أخرج".

نفرتيتي :

"الاعتراف اعتراف! اعترف وبعدين أقول لك أنت حتخرج

إزاي!"

تبكي نفرتيتي .

"أخناتون، لروحك السلام!"

النائحات يلطنن معها.

"لازم تكتب اعترافك يا حورس".

حور:

"بقول لك، أنا حور! أعترف! أكتب إيه؟"

نفرتيتي :

"تكتب كل الذنوب والخطايا اللي عليك عشان ربنا

يرحمك، رب أخناتون العظيم".

حور:

"بقول لك دينكم مالي بيه! أنا مش عاوز أكتب خطايا!

أنا حخرج، عاجبك ولا مش عاجبك!"

نفرتيتي:

"لا، مش عاجبني! اكتب اعترافاتك كلها عشان يبقى
بداية الحياة، واحنا عندنا برضه الحياة الحقيقية".

حور:

"بص بقى، أنا جعان وعائز أنام! أنا بشر بني آدم!"

نفرتيتي:

"انت حر! اخرج من الباب! افتح باب المقبرة!"

نظر إلى نفرتيتي:

"أنا ارتحت لك قوي!"

تنظر إليه نفرتيتي:

"حتى أنا".

حور:

"طب ممكن أقعد معاك شوية بس عشانك بس؟"

نفرتيتي:

"أنت حر، بس أنا محتاجة لك! أنا عاوزة أفضفض

بصراحة! أنا ندمانة إنني سبته!"

حور:

"طيب، فضفضي وارتاحي".

نفرتيتي:

"اتفقنا".

تبتسم وتنظر إليه.

النائحة:

"أنت بتبص لي بغیظ كده لیه؟ كنت قتلت أمك!"

النائحة:

"أنت عمرك ما كنت زينا خالص!"

حور:

"لیه یا أختي؟ علی راسك ريشة!"

يكمل حور:

"بنشتغل ونشرب ونأكل زيكو! كلنا عندنا لحم ودم".

النائحة:

"لا، احنا بنشتغل شغل كل ساعة! احنا بناكل طقة واحدة

بس عشان نقدر نشتغل تاني، لكن ناكل علی قدنا".

"مممكن تسكت! عايزة أبكي!"

حور:

"ابكي، وأنا مالي؟ آه! تصوري أنا محبوس مع عمر طول عمري، وفجأة مش عارف مشي فين، وسابني!"
تنظر له نفرتيتي:

"أنت في جنازة، ما تلم نفسك!"

حور:

"مش عارف مين المجرم اللي حبسني! وحبسه مرة تانية! تعالي، اخرجي معايا!"
نفرتيتي:

"لا، لا! مش حسيبه تاني! أنا ندمانة أوي إني سبته!"

حور:

"طب يا أختي، اقعدي جنبه تاني! وماله! تقعدي ازاي وأنت ميتة أصلاً؟"

يضحك مرة أخرى.

نفرتيتي:

"ما تلم نفسك!"

حور:

"أنت مش حتعيشي! حتموتي! أنت امتي أصلاً؟"

نفرتيتي:

"طيب وماله! أصل الموت هو الحياة اللي بجد! أنت مش

قريت عندنا كتاب الموتى؟"

حور:

"أنا قريت كل حاجة إلا الموتى ده!"

نفرتيتي:

"احترم نفسك! ده الكتاب أحسن كتاب في الدنيا! ده

بيتكلم عن الآخرة".

حور:

"خليكي في الآخرة، وأنا حخرج للدنيا، أصل ما عشتش

فيها".

نفرتيتي:

"حكم ربنا بقى إني شفتك!"

حور:

"بقلق إيه، هو الراجل بياكل الميت عندكم إزاي؟"

نفرتيتي:

"راجل مين ده؟"

حور:

"اللي سمعته بيقول شعيرة الفم! ويفتح فم أختاتون".

نفرتيتي:

"أصل الميت لازم يأكل عشان الروح تزوره وتأكله لغاية ما

تجي الآخرة، لازم يعيش كويس!"

حور:

"هههههه! وياكل ويسمن!"

نفرتيتي:

"أنت بتهزر! ابكي! أحسنلك، أو اخرج من هنا!"

حور:

"طيب، حبكي، أصل أنا حاسس إني بأبكي على

نفسي!"

تبكي نفرتيتي:

"على نفسك؟ لا! ابكي على أختاتون!"

وتكمل: يا حور آه، هو أنا ناقصاك! أنت عارف، رغم

لسانك الطويل بس فيك الحاجة اللي مريحة للقلب".

حور:

"متشكر، بس أنا استفدت إيه من كلامك؟"

تنظر له النائحة بغیظ:

"هو أنت كل مرة بتبص لي كده؟ جاتك داهية!"

تخاطب نفرتيتي:

"ماتسييه يخرج!"

حور:

"طب أنا قاعد على قلبك يا كذابة".

نفرتيتي:

"ممکن تنكتموا أنتم الاتنين! جنتوني!"

النائحة:

"آسفین یا ملکہ".

حور:

"أول مرة نتفق نقول حاجة واحدة".

يقترّب رجل من الذين يجرون الثيران:

"إزيك؟ أنت مين؟ ولا بس كده ليه؟"

حور:

"أنت اللي مين؟ هو أنا نقصك؟"

الرجل:

"أنا معاك، ممکن تجر معايا".

حور:

"أجر معاك بس تخرجني من هنا".

الرجل:

"اشتغل يا أخي، وتخرج تعمل إيه هنا؟ في شغل كثير،
الإيد البطالة نجسة".

حور:

"يا بني، أنا عاوز أشوف الشمس عشان أقدر أجر معاك".

الرجل:

"ما تشوف أتون رب الكون ورب أخناتون، ده قوي
وحقيقويك أوي. عمومًا، خليك مع نفرتيتي أحسن، تعزيها وتكون
جنبها".

حور:

"أنا فاضيلك أنت والملكة بتاعتك".

الرجل:

"أمال أنت فاضي لمين؟ ومش لابس زينًا؟ ولا راضي
تعمل الحاجة؟"

حور:

"بقولك غور يا روح، روح بس برضه أنت بتعمل إيه؟
يعني بتجر تور بهيمة".

الرجل (وهو يضحك):

"تور تور وبجره عشان ده ملك عظيم، كلنا لنا دور في
آخرته. وبرضه شاركت في رسم الصورة دي. أنت في الصورة
عشان كده لازم تعمل حاجة".

حور:

"الله نفسي أخرج منها! صورة إيه، هم في قبر ما يعلم بيه
إلا ربنا!"

الرجل:

"خليك معانا".

حور: (وهو يصرخ في وجهه)

"مش عاوز أكون معاكم يا أخي!"

الرجل:

"احنا بنبني للمومياء بيت وبنحطها وبنعمل لها البيوت
الكبيرة دي عشان تكون مرتاحة في بيتها. دي متحف الآخرة.
عاوز شغل، أصلاً بيت الكبير يبقى مرتاح أوي في الآخرة".

حور:

"يا راجل، يعني أنت بيتك فين؟"

الرجل:

"احنا مساكين بقى، خلاص. المهم هم يرتاحوا، واحنا يكفيننا لقمة العيش ورضا أتون الكبير".

تنظر إليه نفرتيتي:

"هذا شرف إنك تكون معانا".

تنظر له النائحة ناحية حور، تنظر له بغيظ شديد:

"ما تسيبيه يا ملكة، هو حياخد زمنه وزمن غيره!"

حور:

"امشي يا بت، يلا امشي أنت، ما تحلي عني يا ولية!"

نفرتيتي:

"بقول لك إيه يا حور، اقعد معايا. أنا مرتاحة لك أوي، وأنا عايزة قلبك يكون معايا. أنا أحسك. يا حور، أنت قلب في كل إنسان. كل قلب فيه حور. صح، أنت القلب يا حور".

حور: (وهو يتسم لها)

"أنا مش قلب بس، أنا عين ويد وكل حاجة. أنا راجل وكل حاجة. أصلاً، أنا ما صدقت إنني حأخرج. عمر وحشني! آه، آه،

أخوي وحبيبي وروحي. احنا بنحب بعض أوي ونكمل بعض،
وسبحان من جابني هنا".

نفرتيتي:

"أنت أصلاً جيت للنهاية".

حور:

"النهاية؟ يا ولية!"

نفرتيتي:

"أنا مش ولية، أنا ملكة".

حور:

"ملكة؟ أنا عاوز أشوف الحياة. عاوز أشوف الشمس
بتاعتكم، أشم الهواء. عاوز آكل وأشرب وأعيش".

نفرتيتي:

"وتعيش، حتعيش يا حور. افهم بقى".

يقترّب منهم الكاهن الذي كان يحاول فتح فم أخناتون:

"وبعدين معاك! أنت عامل صوت هنا كده ليه؟ أنت مش

لا بس زينا ليه؟"

نفرتيتي :

"عادي، بس كدا، من السما جاي، صح؟"

حور:

"والله أنا مش من السما، من الأرض زيكم".

تقترب النائحة من نفرتيتي:

"تعالى يا ملكة، نجلس على جنب".

كان كاهن يحرق البخور ويرش الماء من القارورة والبخور.

"تعالى وتعال، إنهم يلطمون وييكون جميعاً".

الكاهن:

بصوت مرتفع:

"يا من جعلت الأرواح كاملة، اجعل هذه الروح منتصرة

معك على الدوام!"

كان الكاهن يتلو لنا، والنائحة تبكي، ونفرتيتي تبكي،

وكل من في الصورة ييكون.

يكمل الكاهن:

"لتسطع روحك يا أخناتون فوق جسدك يومًا بعد يوم".

حور يسعل بشدة، نبضات قلبه تعلو بشدة، وعرقه غطى

قدمه. ما هذا؟ صار يسعل، وكل جزء من الصورة يظلم، بداية من

الثيران حتى الرجال الذين يجرونها. قليلاً قليلاً تنطفئ أجزاء كبيرة من الصورة، حتى النائحة تنطفئ رويداً رويداً، وهي تحملق في عين حور. وحور يسعل ويغضب:

"غوري من قدامي!"

ونفرتيتي بدأت تظلم. يقترب منها حور:

"تعالى معايا".

تنظر، تبتسم، تهز رأسها وتغيب في الظلام.

يقترب الكاهن من حور:

"كفاية".

ويكمل:

"بقى أنت طولت هنا أوي".

يبيخره ويعطيه ظهره، ويخرج من جدار المقبرة. يحاول

حور أن يلحقه، يسقط مغشياً عليه.

ينفتح مشهد آخر: عمر في حضن أمه وهي لا تشعر به.

تقوم من نومها:

تنظر صباح إلى الدولاب:

"لا حول ولا قوة إلا بالله!"

كانت صورة زينات في مرايا في وجه الدولار. صباح

برعب:

"أعوذ بالله من الشيطان الرجيم!"

تتجه يدها إلى فتحي توقظه بقوة:

"قوم، أمك في الدولار!"

بالكاد أكملت جملتها، وهي ترجف. لكن فتحي كان

في نوم عميق. صباح تهزه بقوة وفمها يرتجف:

"فتحي، قوم بسم الله الرحمن الرحيم!"

كانت زينات تهزها من كتفها الآخر. تنتفض صباح،

ترتمي أرضاً. يمسكها عمر، يحضنها محاولاً تهدئتها. صارت

صباح تنظر يميناً شمالاً، وزينات تضحك وتقترب منها، وصباح

تصرخ. وزينات كانت تقترب منها، حتى عمر صار يصرخ مع

أمه، وجرى على أبيه، أسقطه بقوة من السرير للأرض. وفتح فتحي

عينه، ونظر لصباح ولنفسه، هو ملقى في الأرض وصباح ممددة

في الأرض، ولكنها مغمى عليها مع عمر، قام فتحي فزعاً، أمسك

بكوب من الماء وصبه على وجهها. فتحت صباح بالكاد عينها،

نظرت لفتحي ولم تتكلم. فتح فتحي الدولار سريعاً، أخذ

العملين وجرى خارج البيت.

كان المشهد مخيفاً جداً. صباح تبكي، لا تقوى على الحركة، كأنها مشلولة. عمر مغمى عليه. صوت النافذة يغلق ويفتح مع الريح، يصدم العقل والقلب معاً. كانت صباح تحمق بلا حركة في الدولاب، وصورة زينات تكبر وتصغر على قهقهات عالية. وزينات الأخرى تمسك بيد صباح وتضحك. تدخل سيدة من الباب:

"هما مالهم؟ ما فيش صوت حد في الصالة وتاركين الباب مفتوح ليه؟"

تدق سيدة حجرة زينات، تفتح لها وتنظر لغرفة فتحي وتبتسم. سيدة:

"معلش، أصل لقيت الباب موارب ودخلت!"

تضحك زينات: "خشي يا مصيبة أنت".

سيدة، وهي تنظر مفزوعة: "هو في حاجة تنظر لها؟"

زينات: "خليكي في حالك".

سيدة، وهي تخرج من صدرها مبلغاً ضخماً: "خدي،

خلصيني. الراجل ضرب أبويا، قام ضربه أبويا وراح ضاربه مرة تانية.

أعمل إيه يا خراب بيتي؟ أبويا في المستشفى بين الحياة والموت، والراجل ملقح في السجن! آه يا انا".

زينات بغباء: "وأنا مالي؟".

سيدة، يتعجب: "إزاي ده؟ أنا بعمل على كل اللي بتقوليه".

زينات: "ولا يهملك يا بت، أنا عارفة السبب وخلصك".

سيدة، وهي تقبل يدها: "وحياتك، خلصيني".

زينات: "متخافيش، المرة الجاية راح تحلفي بحياتي بجد. غوري، أنتِ دلوقتي".

"يخرب بيتك يا سيدة، هو ده وقتك!" دخل فتحي لحجرة أمه وهو يلهث ويعرق بغزارة، وقد بدا عليه إجهاد كبير. ارتمى أمام زينات، وأغمض عينه. قامت زينات بقرف، تركله بقوة: "قوم يا كلب".

ينظر لها فتحي، ويغمض عينه. ترفعه وتهمده على الأرض: "قوم يا كلب، أنت تورطنا مع الناس. عملين يعملوا إيه

عندك في الدولار؟ دي الناس تقتلني من المصايب اللي عمالة
ترِف عليها بسبب عملتك".

ينظر لها فتحي: "سامحيني، أنا دفنته خلاص زي ما أنتِ
عاوزه، بس خلصيني أنا وصباح. أنا مش قادر أتحرك، وصباح
اتشلت تمامًا. أنا أول مرة أدفن في الليل".

تنظر لفتحي بغضب: "هي حصلت إيه يا فتحي؟ أنت
مش عارف مين زينات؟".

فتحي: "آخر مرة راحت عليّ نومة، واللّه".

زينات: "راحت عليك نومة إزاي؟ استني يا سيدة، استني
أترىها سيدة من مصيبة لمصيبة حصرها يا فتحي منين؟ ونعمل
مع المسكينة دي إيه؟ بقى إيه؟".

فتحي بهمس لأمه: "سامحيني يما".

زينات، بتعجب: "جرالك إيه يا فتحي؟ كده تقصر رقبتني
معاها ومع الناس".

فتحي: "أنا تعبان، تعبان أوي".

زينات: "هي الهانم مأثرة عليك".

فتحي: "أنا دفنت العاملين في الليل، وتعبت بعدها".

يحاول تهدئتها: "يما أنت الحب الوحيد، يما، كنت ومازلت".

زينات: "اعذريني".

زينات، بسخرية مع غضب مكبوت: "يا فتحي، ماتنساش إني أنا اللي رييتك".

فتحي يطرق برأسه: "عمري ما حنسى يما، بس شيليهم مني".

زينات: "عشانك وعشان الكلمتين دول".

تذهب للمطبخ، تأتي بجمرة مولعة، تفتح دولابها، تأخذ منه البخور، وتبخر وتتمتم. يقوم فتحي يسعل بشدة، يجري على صباح، يراها جالسة على كنبها تقرأ القرآن، يقبل جبينها: "أنت أحسن مني يا صباح".

تغلق المصحف، تقترب من فتحي، تجلسه على السرير وتحقق في عينيه: "يا أنا يا هي، أنت فاهم؟".

فتحي: "ما أقدرش أبداً، دي مش أمي".

صباح، تجحظ عيناها: "فتحي، أنت تعبان، نام دلوقتي".

فتحي: "اسمعي، الولية دي مش أمي".

صباح: "وأبوك؟".

فتحي: "أبويا هو أبويا، وهي اللي قتلته، الله يرحمه. ما قlish إلا قبل ما يموت بيوم".

صباح، وهي تمسكه بقوة: "مين أمك؟".

فتحي: "مش عارف. كان خايف عليّ منها طول السنين دي. لو عرفت أُمي، جايز أروح لها وأسببها. حتأذيني، ويمكن تقتلني كمان. هو قالي الكلام ده ومات بعدها بيوم. ما تركليش فرصة أعرف أي حاجة".

صباح تتنهد: "وأنا مستحملها السنين دي كلها".

فتحي: "عشان تعرفي أنا ليه استحملتها طول السنين دي كلها".

صباح: "والله، مش حرام عليها تحرق قلبك؟ إيه المرة النحس دي؟ أي حاجة النحس دي تعملها. دي ولية، ما تخافشي من ربنا. دي على الأقل كانت رحمتك".

تسمع شخير فتحي وهو يغط في سبات عميق. يقوم فتحي بعد غفوة غصباً عنه، كان يذهب لحجرة زينات، يدق، وهو مجهد.

زينات، بحنية غير معتادة: "تعال يا ابن أمك، خش جوة".

فتحي: "يما، أنا في حنكي لحنكك كلام، اه يما، عندي حاجات أنت عارفها".

زينات: "الأم اللي ربت يا فتحي، ولا إيه؟".

فتحي: "أكيد، يما، أكيد".

"بس من باب العلم بالشيء يعني".

زينات بتحدّ: "وتعلم بيها ليه؟ عشان تروح لها وتسييني".

فتحي: "لا، يما، مش ممكن أسبيك أبداً".

يدخل عمر عليهما، يفتح الباب بصوت منخفض، يمسك بأبيه: "تعال قوم معايا".

أبوه لا يحس. تنظر له زينات نظراً طويلاً حاداً، يبادلها عمر نظره.

فتحي يستغرب: "يما، في حاجة؟ أنت بتبصي لحاجة؟".

زينات: "كله بأوانه".

تبادل عمر النظرات.

فتحي: "طب، يما، عمر وحوور".

تنظر له زينات طويلاً، وتنظر لعمر: "مالهم؟".

فتحي: "أبوس إيدك، ولادي فينهم؟".
زينات: "مالك يا فتحي، النهارده أبداً مش طبعي، يا بني".

فتحي يترجاها: "يما، بس دول أولادي".
تنهض زينات وقد نفد صبرها، وبغضب شديد: "قلت لك إنهم في أمان".
فتحي، والدمع في عينيه محبوس: "طيب، سيبيني أشوفهم".

بيكي عمر: "وحشني أوي يا با، يحضنه بشدة".
تنظر إليه زينات بحقد: "خلاص، أهم متلقحين عندك".
فتحي، وهو يمسح دموعه: "بجد، فينهم؟"
يبحث يميناً ويساراً، يعرف أنها تستهزئ به: "خلاص، يما، اللي تشوفيه".

يخرج فتحي منكسراً، ويخرج معه عمر، وزينات تنظر له حتى خرج.

تخرج معهما زينات غاضبة، تدخل حجرة صباح. كانت صباح تصلي وتبتهل وتبكي. تقترب منها زينات: "لولا إنه فتحي متعلق بيكي، كنتي في خبر كان".

تنظر لها صباح: "منك لله، أحسنك ابعدني عني".
زينات بتحدي: "مالكيش دعوة بيا أبدًا، خليكي في
حالك".

صباح: "طب، أنا في حالي، هو في أكثر من كده
حالي؟"

زينات تضحك استهزاءً: "أنا وأنتِ مانفعش نكون مع
بعض أبدًا. أحسن ليا وليكي".

صباح: "والله، ده أملي. لولا كسرة ابنك، كنت سييت
البيت ده".

وتكمل ودمعها مكتومة: "أعوذ بالله من الشيطان الرجيم،
ومنك أنتِ. اعملي اللي أنتِ عايزاه، أنا مش خايفة منك أبدًا".

تمسك زينات برقبتها، تحاول خنقها. يجري فتحي:
"ليه، يما، دي بتحبك موت، لا!".

صباح: "ابعد، أنت أحسن، لتموتك".

يخلص فتحي يد أمه بالقوة من رقبة صباح. يمسك عمر
برقبة زينات، يضربها على رأسها ضربًا شديدًا، ترتمي على
الأرض، ولكن هناك أصابعها في رقبة صباح، منفصلة عن
جسدها.

الكل ترك المشهد، وشهق الجميع.

الأصابع ما زالت تخنق صباح، وزينات أصابعها معها صريعة تصرخ وتتشنج على الأرض. فتحي: "أعوذ بالله من الشيطان الرجيم، إن كيد الشيطان كان ضعيفاً". وبدأت صباح تتلو آية الكرسي بقوة كبيرة، وكلما تقرأ تصيح زينات وتصرع وتتشنج وتنفكك عنها الأصابع حتى تركتها واختفت. يمسكها فتحي، لكنها تتشنج وتعصب يديها وقدميها وتبدأ تتريق من فمها. فتحي: "وقفي يا صباح، كفاية كده، أمي بتموت". توقفت صباح عن القراءة، وتقول: "حسبنا الله ونعم الوكيل". تغيب زينات عن الوعي. صباح: "عشانك يا فتحي، أنت اللي تستأهل". يحاول فتحي حملها لكنها تسقط. يضحك عمر: "يخرب بيتك". يجرها فتحي إلى غرفتها وهو ينهج. يدق الباب بشدة. يفتح فتحي الباب بعد أن ألقى أمه على السرير. تدخل فتحية تقبل يد أبيها. "مسا الخير يا با". فتحي وهو ينهج: "خشي بسرعة. إيه الي جابك الساعة دي؟" فتحية: "دي خناقة أمي مع جدتي، جاية الشارع كله". فتحي: "مافيش جديد يا فتحية، اللي بنصطح بيه نتمسى بيه". تدخل فتحية حجرة أمها، كانت صباح مستلقية على السرير، وهي ترتجف من القراءة. فتحية

تحتضنها بقوة وصارتا يكيان معًا: "يما اهدي، اهدي يا حبيتي". صباح: "يا حبيتي، وحشاني أوي يا فتحية، بركة إنك جيتي، ده أنا كنت هموت مووت". فتحية، وهي تشهق: "سلامتك يا ست الكل أنت، بعد الشر عليك يا حبيتي".

"إزاي أبويا، عامل إيه؟" صباح تهز رأسها بأسف: "نحمده يا بنتي". فتحية: "برضك مع جدتي". صباح: "ربنا ياخذها". فتحية: "تصيح، الله، هو إيه الجديد ياما؟". صباح: "كل يوم وإحنا والولية دي في جديد". فتحية: "تطبطب على صباح، بس يما، اخرجي شوية من البيت". عمر: "آه، خليها تخرج زي ما خرجنا أنا وهور، لكن هو مين اللي خرجنا من الخرابة دي؟" لا أحد يسمعه. صباح بأسى: "هو في حد له نفس بعد عمر وهور؟ مافيش نفس يا بنتي، والله لو حد يقولي إنهم ماتوا، أهون عليّ من اللي أنا فيه". تحتضنها فتحية: "ما تفقدش الأمل برنبا، ده اسمه الكريم". صباح: "أبوك ده مش حيجيها لبر يا فتحية، لزقة لأمه. كإنها عاملة له عمل، يعني هو اللي مش حتعمل له عمل، دي عمله للدنيا كلها. والله يا فتحية، ممكن الولية دي تكون عملت عمل لابنها، آه، اللي هو أصلًا مش ابنها".

تلفتت فتحية: "إيه يما، مش ابنها؟". تستدرك صباح:
"لا، يعني قصدي إنه ما حدش يعمل في ابنه كده". فتحية:
"أعمل لك لقمة يما؟". صباح: "نفسي انسدت يا بنتي، شوفي
أبوكي لو ياكل". فتحية، وهي خارجة: "حاضر يما، ولو إني مش
عاوزة أخش الأوضة بتاعتها". عمر: "اعملي لي أنا".
تدخل فتحية حجرة جدتها: "إيه الضيق ده؟". تسمي
بالله وتسلم على جدتها وهي مستلقية كأنها قايمة من دوخة.
زينات: "شفتي أمك عملت فيا إيه؟". فتحية: "تقبل رأسها،
معلش، دي بتحبك، دي مصارين البطن بتتعارك". زينات:
"وهي تبصق على فتحية، حبها برص ما تطلقها يا فتحي". فتحية:
"ينظر لفتحية ويغمز لها، قومي يا فتحية، اعملي لأمي لقمة تسند
بيها قلبها". فتحية: "تخرج بسرعة: حاضر يابا". تخرج فتحية.
زينات بغضب من فتحي: "أنت هتطلقها ولا تسيبها تقتل
أمك؟". فتحي: "يما، دي غلبانة، تقتل مين؟". زينات صارخة:
"تطلقها ولا اقتلها!". فتحي: "وهو يشوح بيده، ما كفاياك بقي
يما. كفاية أبويا، قتلت ولادي وضيعتيهم، عاوزة مني إيه تاني؟".
زينات: "وهي تبصق عليه، والله لو مبطلت تقرأ القرآن، لأكون
دابحها".

فتحي تجحظ عيناه وهو يحس بصدق كلامها: "حاضر يما، ريحي بس". زينات وهي تنظر له من فوق لتحت: "أنت يا فتحي، صرت غريب أوي، أنا ملاحظة إنك مش على بعضك". فتحي يقبل رأسها: "يما، ولادي فين يما؟". زينات، وهي تمسك بتلابيب جلايته: "اسمع يا فتحي، لم مراتك دي، تكرهني موت، كنت حققتهم بس يا ابني، عشان بحبك، راحوا في مكان أمين وأكلهم وشربهم يوصلهم لحد البيت، عاوز إيه أكثر من كده؟". فتحي وهو يقبل يدها: "عاوز أشوفهم لو مرة واحدة، أنتي ضيعتِهم ليه؟". زينات بحقد: "عشان أحرق قلبها، بنت الكلب دي!".

فتحي: "عشرين سنة ياما، العمر كله ضاع، وأنا بدور عليهم وعلى أُمي، عشان خاطري ياما، فكيفهم مرة واحدة، وأنا حطلقها". زينات، وهي مصرة وهي تحاول تنهي النقاش: "خلاص يا فتحي، أنا أدبت أوامري من زمان، والموضوع خرج عن أيدي. في حد حابسهم ومش قادرة أخرجهم، افهم ياله، خرج الموضوع من أيدي، مش عاوزة الموضوع ده أبدًا ينفتح تاني". تقترب منه وهو حزين جدًّا: "ما تزعلش، ما تسبهاش جوز الإخص دي، بس لو قدرت تسيبها، أنا حجوزك ست ستها، بس

ما تقرأش قرآن في بيتي، وما تقوليش أمي ولا ولادي، أنت فاهم،
سبيني دلوقت، عاوزة أريح".

يخرج فتحي من حجرتها حاملاً همًّا كالجبل، يذهب
لحجرته، ينظر شزرًا لصباح، ويستلقي على السرير. تنظر له
صباح، تحاول أن تقترب منه، لكنه يتركها متمدداً على السرير
وينام. تمسك فتحيه بيد أمها وتمدد أمها على السرير وتطبطب
عليها لتنام. تمسك صباح يدها وتقبلها. تضع فتحيه صينية
الطعام، وتغلق مصباح الجاز والباب بهدوء، وتخرج.

يقوم فتحي من نومه مجهداً وهو يصرخ: "ارحمني، مش
أنا!". توقظه صباح: "قوم يا فتحي، هو الكابوس ده مش عايز
يرحمك؟". كان يتعرق بشدة. فتحي، وهو ينهج: "أنا تعبان، مش
عارف أنا، أنا ما قتلتهوش". صباح: "معلش يا فتحي، أنت كل
يوم والتاني كده، وبعدهالك يا خويا". فتحي: "صباح، صباح،
أنا دفنته، بس، والله أنا سترته، مش قتلته، مش أنا، مش أنا، أنتِ
فاهمة، أنا لقيته ميت في إيدي ودفنته". وهي تطبطب على ظهره:
"معلش يا فتحي، قوم اتوضا وصلي، وحتهدى".

فتحي: ينظر لصباح، يقبل رأسها: "أنا بحبك، بحبك
أوي، أنتِ اللي خرجت بيها من الدنيا، أنتِ النور اللي في

حياتي". صار ييكي وهو يحتضنها بقوة: "أنتِ نوري اللي بشوف بيه، ما تسيينيش أبداً، أنا بدونك ولا حاجة، وفتحية دي خلاص مع جوزها وعيالها، بس أنتِ حب العمر كله". تضحك: "وأملك". فتحي: "خلاص يا صباح". يذهب للزبالة، يتقيأ فيها. صباح: "سلامتك يا راجل".

فتحي: "اوعي، ما تجيبني السيرة دي، الله، هو الساعة كم؟". صباح: "والله مانا عارفة بجد". فتحي يضرب وجهه: "يا لهوي، العمل! الميت!" يقفز مرة أخرى: "يا صباح، ما صحتيني للجنازة، هو انتي بتحاولي تقتليني، عاوزاني أدفنه في الليل تاني، عاوزاهم يتلبسوني تاني".

صباح بغضب: "بقولك إيه، لو مش حتسيب الشغلانة دي، حمشي من البيت، انت فاهم؟"

فتحي: يضرب كفه بكف، "حقولها إيه المرة دي، والله!" صباح: "باين القراءة نفعت معاك يا فتحي".

فتحي: يصيح، "ما تقرأيش تاني، سامعة ولا لأ؟"

صباح: "أعوذ بالله، إيه يا فتحي، مالك! ده كلام ربنا".

فتحي: يهدد، "لو قرئتي مش حنام جنبك، فاهمة؟"

صباح: "طيب، استهدى بالله كده".

فتحي، وهو يصيح: "والله، طب اسمعي، أنا مش هدفن في أي جنازة في الليل، إن شاء الله لو يموتوني تاني، مش عاوزهم يقتلونني ويشلوكي. دي مفترية وتعملها، أنا حدفنه في أي وقت وأخلص".

صباح: "برضه يا فتحي".

يفتح فتحي الدولار، يحمل عملاً جديداً كان مخليه بعيداً عنها، ويخرج سريعاً. كادت تمسك به صباح، لكن لم تستطع الاقتراب، وظلت تتعوذ، ولكنها في نفس الوقت أحست براحة نفسية شديدة بعد خروج العمل من الدولار، وتنهدت بعمق: "يا رب افرجها من عندك، يا رب".

يطبطب على ظهرها عمر: "الست دي لازم تموت، والله، راح أموتها وأخلصكم منها". يضغط على ظهر أمه وكأنها أحست براحة شديدة لا تعرف مصدرها. غمضت عينها صباح وابتسمت، واستلقت على الكنبه: "ربنا يحميك، يا رب يا فتحي ويتوب عليك".

يدق الباب بشدة، تقوم صباح لفتح الباب: "يا رب تكون انت يا فتحي". تفتح الباب، وإذا برجل يلبس بدلة أنيقة نظيفة، يسلم: "هي الست هانم موجودة؟" كادت صباح أن تغلق الباب

في وجهه، وفي نفسها "هو انت منهم؟" حاولت كظم غيظها وبثقل: "اتفضل بس هو ابنها مش موجود دلوقتي".

ينظر الرجل إليها بأدب شديد: "معلش، أصل لازم أقابلها بسرعة، لأنني مسافر".

صباح بقرف: "هي أوضتها على إيدك اليمين".

يدخل الرجل، يدق الباب. ظل يدق طويلاً، فتحت زينات كادت أن تصيح، لكن أناقته جعلتها تسكت وتبتسم بأدب شديد، وبوجه متسخ من نومة طويلة تأملته من فوق لتحت. ابتسمت: "اتفضل". يدخل الحجرة ويغلق الباب.

"إزيك يا هانم؟"

زينات ما زالت مبتسمة: "بخير، وأنت حتكون بخير".

يبتسم الرجل: "ده أنت فعلاً بقى ست هانم وكمان

شيخة".

زينات: "حاجتك عندي يا سي ياسين".

ينظر إليها ويستغرب: "هو أنتي عرفتي اسمي كمان؟"

زينات، وهي تنظر في عينيه: "احنا ما بنهرجشي".

الرجل: "طبعًا، طبعًا، أنا مش حطول عليك، أنا عندي شركة كبيرة أوى في مصر، أنا مشارك واحد غتت معايا حبتين". ويوطي صوته ويكمل: "بصراحة عاوز أتخلص منه".

تبتسم زينات: "نقتله؟"

الرجل: "يا ريت، تقتليه، تدبّحيه، تجنّنيه، تحبسّيه، المهم يغور بعيد عني، واشتري نصيبه ببلاش وما يقدر يقولي تلت التلاتة كام".

تهز رأسها زينات: "كل حاجة من اللي قولتها لها تمن".
الرجل: "أؤمريني".

تهز رأسها: "أنت في جيبك حاجة؟"

يبتسم الرجل، يخرج قطعة من الملابس لشريكه ويعطيها في يدها، ويخرج من جيبه الآخر كمية من الدولارات الكثيرة ويضعها أمامها.

تبتسم: "اعتبر الأمر منتهي".

الرجل: "أسبوع كمان وأجيلك".

تضحك زينات: "مش راح تيجي، انت حتشوف من مكانك". يقبل رأسها الرجل ويخرج منتصرًا.

يدخل فتحي الحجرة، يغلق الباب: "يما الحقيني"، كان متعرقاً.

نظرت له زينات، أمسكت بكوب من الماء، ترشه فوقه: "فوق يا فتحي".

ارتجف في يدها، وهي تنظر لعينيها: "مالك؟" فتحي ما زال يرجف، لا يرد. تصفحه زينات بقوة: "فوق بقى".

فتحي ما زال يرجف: "دفتته، دفتته". زينات: "بالليل تاني؟" فتحي: "آه، يما، خلص الأمر بتاعك، ما أخرتوش زي ما انتي عاوزة".

زينات، تغضب: "هو أمري كان بالليل يا فتحي؟" تذهب إلى المطبخ، تأتي بمبخرة، تأخذ بخوراً من دولابها وتبخر الحجرة. يهدأ فتحي، تجحظ عيناه، وتهدأ أنفاسه، لكنَّ عينيها تحمقان لسقف الحجرة. تقترب منه زينات وتحاول إقناعه، مستغلة لحظة ضعفه: "اسمع يا فتحي، المرة الجاية عاوزاها بالليل، وعاوزين قطعة من جلد الميت، استغفر الله، قصدي الأسياد اللي عايزينها".

فتحي كان يتعرق وما زالت عينه للسقف. تكمل زينات:
"المرّة دي فيها فلوس جامدة وجامدة أوى، افهم ياله".
فتحي ما زال ينظر للسقف، تهزه زينات: "بكرة زي الوقت
ده، يلا قوم، مدد جتتك".

يمشي فتحي من عندها، يترنح، يدخل على صباح.
تصيح صباح، وهي تراه بهذا الشكل: "بسم الله الرحمن الرحيم!"
يرمي فتحي نفسه على السرير، وبصوت متهدج: "اقرئي عليّ..."
تبدأ صباح تنفث عليه: "ليه يا فتحي، ليه تطاوعها تاني،
ده انت بتموت كده".

يبدأ فتحي يلين في يدها، وبرد عرقه. يفتح عينيه وهو
يدمع: "أنا مش عاوز أعمل كده، أنا مش كده، أنا خايف عليك
لا تقتلك". صباح، وهي تمسح عرقه: "إيه اللي جابرك؟"
فتحي: "أحس إنه حد يجرجرنني غصبًا عني، أنا عايز
أعرف أنا ابن مين؟ مش عاوزه تنطق أبدًا. صباح: "عنها
مانطقت، ربنا يعرفك، هو أكبر من كل حاجة، وقلت لك مش
حتنطق".

فتحي: "وولادي؟"
صباح تجحظ عينها: "عمر وهور!"

فتحي ينظر لوجه صباح: "بقصد إنهم وحشوني جدًا".
عمر يقترب من أيه: "أنت اللي وحشتنا أوي، مش
حسيك أبدًا".

بدأت ليلة جديدة على هذا المنزل المشؤوم. كان فتحي
يجلس متربّعاً على السرير، يفكر في طلب صباح الغريب القدر،
وبهمس: "هو أنا في الليل وحصل لي كل ده، إزاي حقطع في
الميت، إيه القرف ده؟" كان يتعرق كثيرًا، ويفكر: "ده لو ماجبته،
تكون قتلاني. دي مفترية وتعملها، أنا عملها وأخلص منها".

تسلل فتحي وخرج من البيت. كان الليل هادئًا في
المزارع، مشى كثيرًا حتى وصل للمقابر. لم يحس بالتعب
الجسدي من كثرة التفكير: "الحمد لله، ما فيش ميت بيدفن".
مرت من جنبه قطعة، قفز منها مفاجئًا لكنه نظر لها: "ليه ما
أجيب لها لحم قطعة؟ آه والله فكرة، مش أهون من لحم الميت
المسكين".

فكر كثيرًا، نادى القطعة، وكانت تتمسك في ملابسه.
أشفق عليها: "أومال، أعمل إيه أنا مع الميت؟" أمسك بها،

قامت على كتفه ولعقت وجهه: "أنا أوكلك، وأدبحك، كويس كده؟". لكن القطعة ظلت تلعب معه، حك رأسه: "طيب، ما أخذ قطعة ميتة؟ وأنا منين أجيب قطعة ميتة دلوقت؟ طيب، ما أحسن أدور وأجيب فار. هو مش شبهنا، وأنا حلاقي الفار دلوقت فين؟ أنا مرووح ولا الصبح؟ آه، بس دي عاوزاه في الليل".

فجأة، أحس بلحم طري يمشي على قدميه. نظر ورأى فأراً فعلاً يجري، لحقه فتحي وجرى خلفه حتى وصل للمزبلة ودخل فيها: "والله لأنا جايلك يا ابن الكلب!" ضرب فتحي صندوق القمامة الكبير، سقطت القمامة على الأرض، لكن بلا فأر. نظر هنا وهناك وصار يفرق القمامة حتى أحس بشيء يجري بين قدميه. جرى وراءه فتحي حتى أمسك بذيله وأخفاه بين ملابسه وعصره حتى يموت، لكنه سمع صوتاً مكتوماً: "خلي عندك ضمير، وهات لحم إنسان ماتتشر علينا!"

جرى فتحي بسرعة حتى سقط وأكمل حتى وصل للبيت، وأغلق الباب ودخل حجرته وتغطى بفراشه يرتجف خائفاً. كان عمر وحده يفكر فعلياً في قتل زينات. دخل حجرته وأغلق

الباب، كانت لمبة الجاز بدأت تخفت، ورأى زينات تجلس متربعة وسط حجرتها، متوشحة بالسواد، ورائحة البخور الخبيث تتصاعد من جنبها وهي تتمم بكلمات غير مفهومة.

فجأة، سككت، صارت تحدق في عمر تحديقاً خطيراً. صار ينظر لها: "كله منك أنتي يا وش النحس والخراب اللي ماله نهاية! أنا لازم أموتك". حاول عمر الاقتراب، وهي تنظر له دون أن ترمش. مدد يده فعلاً ليخنقها، لكن توقفت يده تماماً. شُل عمر وسقط على الأرض وصار يتشنج ويرغي من فمه، وهي ما زالت تنظر له. كانت أصعب لحظة في حياة عمر.

فجأة سمع صوت صباح وهي تقرأ: "آمن الرسول بما أنزل إليه من ربه والمؤمنون". فُكت كف عمر.. هداً عمر ورجع رويداً رويداً لحالته الطبيعية. أكملت صباح: "لا يكلف الله نفساً".

سقطت زينات إلى أن وصلت لنهاية سورة البقرة. صرخت زينات وتشنجت وجحظت عيناها كأن أحداً يخنقها فعلياً. ازرقَّ وجهها واسودَّ وصرخت صرخة الموت. صار عمر يبحث عن أي

شيء يضربها به حتى يتأكد من موتها، ولكن انتبه أنها سكتت
وسكت عويلها. رآها صامتة بلا حراك، أمسك يدها، سقطت،
لقد ماتت زينات.

فزع عمر، ركلها بقدمه، لم تتحرك. التصق عمر بالجدار
من منظرها المفزع. كان وجه زينات متفحماً أسود بلا ملامح.

دخل فتحي الباب: "مسا الخير، يما". انتبه فتحي أن
اللمبة انطفأت تماماً: "إيه، يما، مش عاويديك تنامي بالليل؟"
كان فتحي خائفاً منها لسؤالها عن لحم الميت. يناديها: "يما،
هو... اسكتي، ما كنت حروح المقبرة الليلة، بس الله، يما،
كنت تعبان وجسمي يرن على من السخونية. إيه، يما، ماترديش
عليّ ليه؟" يهمس فتحي: "أما أجيب لمبة من عندي، يمكن
خرجت. أنا مش شايف حاجة في الضلمة دي".

يخرج فتحي ليسقط عمر مغشياً عليه.

يتبع في الجزء الثاني.